


नेपाल
द्वादश तीर्थ महात्म्य
कथा



अनुवादकः—
आदिवज्र बज्राचार्य

प्रकाशकः—
विश्ववज्र वज्राचार्य

नेपाल द्वादश तीर्थ महात्म्य कथा

अनुवादक:-
आदिबज्र बज्राचार्य

प्रकाशक:-
विश्वबज्र बज्राचार्य

विक्रम सम्वत् २०४२

महापाया खुशी न्यासः

मूल्य १३।-

(ख)

प्रकाशकया पाखें

खला ध्वलें सकसिनं अनुभव यान चवगु खें ख ।
निन्हु प्यन्हु न्हापालीपा मनया ईच्छा पूर्ण जवो । ध्वलें जित
तं जल । निदें स्वदें न्होनेसं गुगु सफु प्रकाशन यायेगु मनया
ईच्छा जया चवगुखः थौसकलया न्होने तये दुगु हर्षया
खें ख । जित ध्व जयाय् छुं उपयोगी जवीगु खंडे ध्वहे लाभ
भापे ।

ध्वज्याया प्रश्नेय अनुवादकजु यात विद्यागु दु ।
ध्वेक यात आधिक दृष्टिछुं लाभ मदु । अथेनं आपाल
वरिश्मपुर्वक अमुत्य समय व्युगुलि कुतज्ञता व सधन्यवाद
दु ।

प्रकाशक

(ग)

—: न्हेखें :—

प्रायः न्ह्यागु ज्याय् नं तन-मन-धन स्वतां नूमलाकं
छु जयां सफलमजु । थथे हे ध्व जयाय् नं स्वतां चुमलना
चवन । छन्हु ध्वनं चूलात । प्रकाशकजु अनुमति विल ध्व
ज्या याकनं यायेगु आग्रह नं यात । ध्वहे आग्रह अनुसार
थौसकलया न्होने तया चवना ।

ध्व छगु अनुवाद सफु खः । प्राचिन संस्कृत ग्रन्थ व
नेपाल भाषा ग्रन्थ गुगु स्वायेभु-स्वयंभ-पुराण व द्वादश
तीर्थ महात्म्यकथा या पाखें उचित जगु ध्वलः । न्हगु जूसां
न्हापा मरुगु मख । न्हापा न्हापा यागु भाषा ग्रन्थे ख भतिचा
ताहा मूल श्लोक दहेमरु धासां ज्यू । थुकी खें चीहासां उलि
सागंशदु । गुलिगुलि माःमाःगु श्लोक सहित तया विद्यागु
दु । मेगु छुं मपाः ।

प्राचीन कालं नसें थौतक अपालं मनूतसें गुगु द्वादश
तीर्थ सेवा, स्नान, व्रतादि थद्धा भक्ति आदरपूर्वक याना
ध्वगु व गुगु द्वादशतीर्थ महात्म्यकथा उक्तज्याय् बाखें न्बने
कने यायेगु प्रथा थौतकनं प्रायः दु । अकि जित छगु ध्व
आशा व विद्वासदुकि उक्त ज्याय् उपयोगी जवी । मेपित
उपयोगी जवी मजवी धाय् मफु /

अन्त्ये जित ध्व संपू चयेत सहायक सफु व्युपि वाच-
स्पति, चन्द्रबज्र, वीजिराज, श्वारामा, प्रेममैनेजर व विशेष
प्रकाशक जयात सधन्यवाद विद्यागु दु ।

बीलापुन्हि

अनुवादक

(घ)

धलः पौ

धलः

पौल्याः

द्वादश तीर्थ महात्म्यकथा (उत्थान)	१
१-पुण्य तीर्थ (गोकर्ण) महात्म्यकथा	४
२-शान्त तीर्थ (गुह्येश्वरी) महात्म्यकथा	२४
३-शंकर तीर्थ (शंखमोल) महात्म्यकथा	४०
४-राज तीर्थ महात्म्यकथा	४९
५-मनोरथ तीर्थ (फुसिह्यो) महात्म्यकथा	५८
६-निर्मल तीर्थ (भौचाखुसि) महात्म्यकथा	६६
७-निधान तीर्थ (लखतीर्थ) महात्म्यकथा	७७
८-ज्ञान तीर्थ (कन्हुखुसि) महात्म्यकथा	८२
९-चिन्तामणि तीर्थ (न्यखुदोभान) महात्म्यकथा	८६
१०-प्रमोद तीर्थ (दानिगाः) महात्म्यकथा	९९
११-सुलक्षण तीर्थ (भाजगाः) महात्म्यकथा	१०७
१२-जय तीर्थ (न्यखू ह्वं) महात्म्यकथा	११४

नेपाल

द्वादशतीर्थ महात्म्य कथा

ॐ नमो रत्नाय

ततः मैत्रीयो बोधिसत्त्वेन कृतांजली
पूटोमुदा । भगवन्तं तमानम्य प्राथ
य देव मादरात ॥ द्वादशतीर्थ महा-
त्म्यं कृत्र प्रदेशस्य हे ! नाथ ।
कुत्रस्थाने महातीर्थ किंविधि स्नान
माचरेत ॥ किंफलं प्राप्यते नाथ
कस्मिपर्व महादिने । कोजनो द्वार
भूतत्वं तत्तीर्थस्य प्रभावत ॥ तत्सर्व
ब्रूहि हे नाथ । सत्वानाहित काम्यया ॥

थनलि मैत्रीय बोधिसत्त्वं श्री भवानयात
अति आदरपूर्वक बन्दनायाना त्हाः ज्वजल्पा थथे
विन्तियात । हे ! देव हे ! भगवान न्हापा छन्हु छल्पोलं
कनाविज्यागु धर्मोपदेशे गुगु द्वादश तीर्थया महात्म्य
सहिमा छगुनं प्रशंसनीय खः धका धया विज्यागु
जिमिसें न्यनागु दु । थौं जिपिं सकल सभासद पिनि
थवखँ छको हानं न्यनेगु इच्छा जुल । सकल लोक
यात हीत सुखयानिस्ति गुगु द्वादश तीर्थया महात्म्य
थव गुन देशयागु खः । हे ! नाथ ? गन थासे महा-
तीर्थ प्रख्यातजुल छुछु विधिस्नान यायेगुखः, गबले
मेला पर्वदिन खः, छुछु फलदायक खः थव तीर्थया
प्रभावं न्हापा सुसु उद्धार जुयावन, थव व्याकं आज्ञा
जुया बिज्याहुं ।

थव खँ भगवानंमौनं स्वीकारयासें थथे आज्ञादय्कल ।

भगवान नाहः—

श्रुणु मैत्रीय बोधिसत्त्व साधु साधु
महातपः । नेपालतीर्थ महात्म्यं
कथयामी यथाक्रमः । सर्वेषां तीर्थ
शेवाया सर्वफलं प्रलभ्यते । अन्नदान

वरं तीर्थ यज्ञकर्म विशेषतः ॥
सर्वकर्म प्रसिध्यन्ति शुध्यन्ति सर्व
कर्मकान् ॥ समाप्तं सर्व कर्मञ्च
तीर्थशेवा विशेषतः ॥ यज्ञेबिवाहे
प्रानान्ते तीर्थेनच प्रशुद्ध्यति ॥
तीर्थञ्च स्वर्ग सोपान पिथितं
नारका पथं ॥ ॥

भगवानं धालः—हे ! साधु साधु हे ! महातप
धारो हे ? मैत्रीय बोधिसत्त्व, छिमिसें गुगु खँ न्योगु
जिकने, बांलाक मनतया न्यो । गुगु नेपाल मण्डलया
द्वादश तीर्थ महात्म्यया गुगु क्रम, अर्थात् द्वादश
तीर्थया प्रत्येक नाम, क्रम, छगु नदि नाप मेगु
नदिया संगमजूगु गुगु थाय् यात छगु तीर्थ प्रसिद्ध
जूगु—उकिया मेला पर्वदिन-स्नानया-विधि थव
तीर्थ छुछु पापनाशनी छुछु फलदायक खः—थनन्हापा
सुसु उद्धार जुया वन हानं फलदायक मध्ये तीर्थ
सेवाय् अपालं फलदायक जू, यज्ञकर्म व अन्न दान
न तीर्थ हे यायेगु उत्तम, फुक्क कर्मयाना या
सिद्धिता व शुद्धता न तीर्थे ज्वीमाः— विशेष तीर्थे

सेवा यानागु या पूर्णता व समाप्ती नं तीर्थेजक,
ज्वीमा यज्ञ व विवाहे प्राणीते नं तीर्थेजक शुद्ध
सिद्ध ज्वी, तीर्थहे स्वर्ग वनेगुया स्वहानेखः, नर्क
वनेगु लं तीर्थहखः इत्यादि छगू छगू तं जिये बिस्तारं
कने । आः द्वादश तीर्थया सर्व प्रथमगु छगूगु पुण्य
तीर्थया कथा कने त्यना थ्व थये खः—

(१) प्रथम पुण्यतीर्थ (गोकर्ण)

महात्म्य कथा अमोघ फलदायिन्यां
वाग्मत्यां यत्र संगमे । शोधनतीर्थ
माख्यातं सर्व क्लेश प्रणाशकः ॥

हे ! मैत्रीय हे ! बोधिसत्त्व गुगु द्वादश तीर्थया सर्व
प्रथमगु आदीगु तीर्थ थ्वखः गुगु वाग्मति व अमोघ
फलदायनी नदिया संगमजुगु गुगु थाय्खः थ्व थाय्
यात छगू तीर्थ अथवा शोधन तीर्थ नाम प्रख्यात
जुल थ्व शोधने धागु छाये ? धाःसा गुगु दशांकुशल
(फितापाप) फुका ब्यूगुलि धाःगु खः । फितापाप
छुछु धाःसा— (१) प्राणातिपात — प्राणी हिंसा
यायेगु (२) अदत्तादान - मविय्कं कायेगु,
(३) काममित्या — परस्त्री पुरुष गमन यायेगु,
(४) मृषावाद — फस्ता (झुठ) खं ल्हायेगु,

(५) पिशुन्य चुक्री-ध्याचू खं ल्हायेगु, (६) पाण्ड्य-
छागु कडागु खं ल्हायेगु, (७) संभिन्न वक्रवादि खं
ल्हायेगु, (८) व्यापाद-द्रोह चिन्तन यायेगु, (९)
अभिद्या स्वार्थी लोभी जुयेगु, (१०) मिथ्यादृष्टि
झुठ मते दिश्वासी जुयेगु ।

तत्र नागाधिपो रक्त स्तक्षकाख्यः
सक्रान्तिमान् । समुज्ज्वलन्महा रत्न
श्रीमत्फणा विभूषितः ॥ ये नराः
श्रद्धया तत्र पुण्यतीर्थे यथा विधि ।
स्नान कुमुर्यादायाव देक् विंशति
वासरं ॥ जय यज्ञादि कर्माणि कुर्युः
सप्तदिना न्यपि । पितृन्देवांश्च
संपूज्य कुर्यु संतृप्त मोदितान ॥
दद्युर्दा नानी चार्थिभ्यो यथेप्सितं
समादरात् । शुद्धशील समाधाय
चरेयुश्च ब्रतं तथा ॥ एतत्पुण्य

विशुद्धास्ते निक्लेशा निर्मले द्रियाः।
बोधिसत्त्वा महासत्त्वा भवेयुः श्री
गुणाश्रयाः। ततस्ते बोधि संभारं
पूरयित्वा यथा क्रमं। त्रिविधां बोधि
मासाद्य संबुद्ध पद माप्नुयुः ॥

गुगु तीर्थ निवासिनी नागाधिय तक्षक खः,
श्वया उन ह्याउँ अति जाज्वल्यमान व सौन्दर्यशाली
फिगु फन्ना दयान उकी महारत्न तीर्थे अतीतेजं परि
पूर्ण जुह्य श्व खः, सूं गुह्य मनुष्य विनय व श्रद्धा
पूर्वक शुद्ध भावना याना न्हेन्हुजक वा नीछन्हु तक
सां गुगु धापूथे द्वाफः स्वांनं स्नानयाना विधित्थे
जलदान-जपहोम, पाठपूजा-देव-पितृ तर्पण मेमेगु
कमक्रिया इत्यादि याई ब्रत-धर्म अथवा-याचक
अर्थ जनित भदां वा आदरपूर्वक दान-दातव्य
याई, श्वैत तत्कालं शुद्ध ईन्द्रीय ज्वी, गुणज्ञानया
खानी जुया च्वंगु बोधि संसारं पूर्ण ज्वी, स्वंगू
अंग व तह सहितगु बोधिज्ञान प्राप्त जूह्य-बोधिसत्त्व
महासत्त्व व उत्तमगु संबुद्ध पद तकनंलाई। अमोघ
फल प्राप्त ज्वी। थनया मेला पर्वदिन श्व खः-

श्रावणेचाप्य मावास्यां सिहेपि सोम
वासरे। गोकर्णं बागमत्यांच तद्दिने
स्नान माचरेत् ॥

गुगु श्रावण कृष्णया अमावास्या सिंह संक्रान्ति,
सोमवार श्वते स्वंगू योग चूलाई बले थुकोया मेला
पर्वदिन खः। श्व तीर्थ सेवा वा तपस्या याःगुया
फल न्हापा सु सु गुह्य २ रक्षा उद्धार जुल श्व खँ
थथे दु -

तस्मिन् काले महाचीने पञ्चशीषा
पाख्यपर्वतात्। मञ्जुघोषोऽत्र माग
त्य स्वयंभू दर्शनाय च ॥ दर्शनं पूजनं
कृत्वा सत्त्वानां हितकाम्यया। चन्द्र
हासन खड्गेन छेदनं कृत पर्वतः ॥
न्हदाम्बुगत याम्यांच दृश्यते भूमि
मण्डलं। तक्ष काख्यो महानागो
बहूभिः कापितं तदा ॥ यत्रस्थाने

गतो नाग, वसन्ति कमलं जलं ।
 तत्कोपेन मनुष्येभ्यो मारयन्ति बहून्
 जनान् । सनागो भूमि नेपाले नाशय
 कर्तुं चिन्तितं । तत्पापेन सनागस्य
 शरीरे कुष्ठरोग भूत् ॥ नागाहः धिग्मे
 जन्मे दृशंपापं कस्याग्रे भाषयाम्यहं ।
 चिन्तयन्ति दिवारात्रौ शोक तापेन
 तिष्ठति ॥ तदा पुण्य महा तीर्थे
 तपस्यार्थं सगच्छति । तत्तीर्थे मोघ
 पाशायत्रिरत्नाय सुपूजितं ॥ उपोषध
 ब्रतं मारभ्य शीघ्रं मे पापमुञ्चति ।
 इतिचित्तसमाधाय पोषधब्रतमाच-
 रेत् ॥ पालनान्ते वहिर्गत्वा महा
 नन्देन संस्थितः ।

परापूर्वं कालया त्रेतायुगे श्री विश्वभूव तथा-

गतया पर्याये महाचीनया पंच शार्प पर्वतं श्री
 मञ्जुघोष (महा मञ्जुश्री गुरु) श्वः नृद जुया
 च्चगु श्वः नेपालमण्डले श्री स्वयंभू ज्योती रूपयात
 दर्शनं याये निति व लोकजन यात बसोवास विधेया
 निर्मित श्वथासे विज्याना थःगु शक्तिरूपि चन्द्रहास
 खड्ग कोदवाल व कापोतलादी पर्वत छेदनयाना
 जुयाच्चगु काली नृदया जलदक्कं पिच्छया विज्यात
 अनंलि उबले लः लिसे नागाधिप तक्षकादि
 आपाल नागगण पिहांवन, आखिरे गुह्य तक्षक
 नागराजां छगू तच्चोकं तं पिकया श्व थासे
 बास याःपि सुसु प्राणित दुगु खः थुमित गन जि
 नाशमयासे तोते धका छगू कुनियत व गर्व याना
 गुलि मनुष्यतेत व थल-जल-मेमेपि प्राणितेत
 अनेकं प्रकारं न्याना अपालं दुःख, कष्टबिया प्राण
 घाटकतक याना विल । श्वहे पापं गुह्य नाग राजां
 गुकीया फल भोग तत्कालं यायोमालाः थःगु शरीरे
 छगू महाकुष्ठ रोगजुया वल । श्व स्थान व जन
 प्राणीयाउपरे कुनियत तःगुया फलं श्वेत छगू तच्चोगु
 रोग जूगु खः, अले गुह्य नागं न्हिन्हिथं थःगु रोग
 तच्चो जूगुलि चांचां न्हिन्हि अति त्रास धंडाकया
 आपालं पसंतापनं चाल, धिकार जिगु बुद्धि जि
 मखुगु द्रोह चिन्तना व तच्चोगु अपराध यानागु

जुल, थुकीया फलं अवश्य थौं जित थव रोग जूगु
 खः, आः थव रोगया उपचार छुखः, थव जूगु रोग-
 यात गुगु द्रोह चिन्तना यानागुया खँ सुयां न्होने
 ल्हाये छान्पुगु नं मखु, थव रोगया खँ सँगुह्य सिया
 न्होने ल्हायेगु । हानं थव रोग यात सह्य यायेफुगु
 व यायेज्यूगु नं मखुत आखिर थव रोगया मूल
 कारण निदान अथवा थव रोगया वास्तविक हेतुजा
 गुगु पाप चिन्तनाहे मूल जडा पाप फुकेगु उपाप
 छ्याःसाजी छुखः गुगु खः धका अनेक मन चिन्तना
 याना आखिरे छगू थथे भापिल, आःजि गुगु अति
 महिमाशालीगु थव नेपाल मण्डलया उत्तम बुद्धा
 च्वंगु गुगु पुण्य तीर्थे थव रोगया उपचार याये योग्य
 खः धका छगू खँः न्यना तयागु नं दु, थवहे तीर्थे-
 वना नित्य श्री त्रिरत्न-बुद्ध धर्म संघरत्न श्रीअमो-
 घपाशलोकेश्वर यागु ब्रतमध्ये सर्व श्रेष्ठगु सारगु
 आर्यअष्ट उपोषध ब्रतदना थव तीर्थ स्नानादि याना
 तीर्थसेवा याःवनेधेगु कामना यात । थवहे कामना
 अनुसार छन्हुया दिने छेपिहाँ दया गुगु तीर्थ थ्यंक
 सदाया निम्ति गुगु आर्यअष्ट उपोषध-ब्रतयाना
 तपस्या यात । थव अष्ट उपोषध छु छु धाःसा-

अहंमिथं नामा यावज्जीवं प्राणाति

पातात् प्रतिविर यामि ।

जि थुगु नामं (ज्युवं) बहलपुतलें हिंसा मयायेगु
 शिक्षापद काये ।

अहंमिथं नामा यावज्जीवं अदत्ता

दानत् प्रतिविर यामि ।

जि थुगु नामं (ज्युवं) बहलपुतलें खुंज्या मयायेगु
 शिक्षापद काये ।

अहंमिथं नामा यावज्जीवं कामि-
 थ्याचारात् प्रतिविर यामी ।

जि थुगु नामं (ज्युवं) बहलपुतले ब्रह्मचर्य जुयेगु
 शिक्षापद काये ।

अहंमिथं नामा यावज्जीवं मृषा
 वादात् प्रतिविर यामि ।

जि थुगु नामं (ज्युवं) बहलपुतलें फस्ता (झूठ) खँ
 मल्हायेगु शिक्षापद काये ।

अहंमिथं नामा यावज्जीवं सुरा-
 मैरेय मद्य प्रमाद स्थानात् प्रति-

बिर यामि ।

जि थुगु नामं (ज्युवं) बहत्पुतलें प्रमत ज्वीगु बस्तु
ऐला, थवं बळ्ळां-नयेगु-तोनेगु मयायेगु शिक्षापद
काये ।

अहंमिथं नामा यावज्जीवं-नृत्य-
गीत-बाद्य माला भूषण-गन्ध विले
पन प्रतिबिर यामी ।

जि थुगु नाम (ज्युवं) बहत्पुतलें प्याखं म्ये-बाजं
थायेगु-तिसा नस्वाचिकं मतिलेगु शिक्षापद काये ।

अहंमिथं नामा यावज्जीवं उत्त-
शर्षा-महाशय्यां सनात् प्रतिबिर
यामि ।

जि थुगुनामं (ज्युवं) बहत्पुतलें रति क्रीडाया
खाताय् मच्चनेगु शिक्षापद काये ।

अहंमिथं नामा यावज्जीवं अकाल
भोजनात् प्रतिबिर यामि ।

जि थुगु नामं (ज्युवं) बहत्पुतले-अकाल भोजन

(बान्हिलिस) पालं मयायेगु शिक्षापद काये ।

थुम्ह तक्षक नागं गुलितक शुद्ध भावना एकचित्त
तीर्थ सेवा व व्रत याःगुया प्रभावं न्हिन्हिथें जुया
चवंगु रोग ववलना पाप नाशजुया निर्मल शरीर
जुल । न्हापायासितं जाज्वलमनागु दिव्यशरीर जुया
थथे आनन्दपूर्वकं छुंसमयतक दीन हना चवचवं छन्हु
या दिने गुम्ह नागयातं छगू घटना जुल ।

तत्र दृष्ट सनागाय आगत्य गरुडो
जवात् ।

तक्षकाय समागूह्य नीयमानमुदाकृत

थुबले पिने चवनाचवंचलेलाक गुगु तीर्थया समीपे
कंमिवा भेषकया आहारागानिति अकस्मात् भयानक
म्ह छम्ह गरुड वया नागया संमुखे बल, अले नाग
यात छगू संकट वया क्स्केजुल गरुड वयाकथं बिना
विचारं काचाक ज्वना आकाशे थँत यंकेत्यन,
नागयायना चवंगु ज्याया छुंदास्ता मयासैं खाली
थःगु छगू नसा प्राप्त जुल घका लेलेंताया नागयात
बलातकारण व बलजफत यायेगु र मेद यात ।
अले तक्षकं धालः-

मह्यं मास्पश हेतार्क्ष धारयामि

महापभु ।

तेनत्व मन्य नागेभ्यः गृह्णगच्छ
स्वइच्छया ॥

अद्यदुर्वल भूतोपि लोकनायोस्ति
मेबलं ।

तेनत्वं किकरिष्यन्ति मममेतुं
नशक्त यात् ॥

त्यक्त त्यक्त गरुडाख्य ममकोप-
समागतः ।

तुभ्यं जन्म पुरिस्थाने मग्नेन
स्थापयाम्यहं ॥

हे गरुड राजा ! जित विनास कारणं ज्वनेगु व
बल जफत यायेगु याये मते । जि थ्व तीर्थ सेवा-
याना तपस्या यान् च्वनाम्ह, श्री लोकेश्वरया छम्ह
भक्त जि खः । अकिमेवि साधारण नागर्थे भाःपाः
थःगुइच्छार्थेतुं यःथेज्वना यने फेम्ह जि मखु । थर्थे

जि दुर्वलथे च्वनां जिगु बले श्री लोकनाथ दु। अकिं
छं जित छुंहे पाये फे ? छुंहे पाये फेगु सामर्थ
देमखु । आःतक लाःनि हे गरुड राजा ! जित
याकनं तोति, तोति मखुसा यदि जिगु कोप पिहां-
वयेवं जि छंत जन्मलोके मछ्वसें गनतोते ।

इतिवाणि श्रुतं तार्क्षमति कोपेन
गृह्णति ।

रक्ताक्षी भूत गरुडः हस्तेन बहु
पीडितः ॥

अरे भुजग पापात्मा विपुल पश्य
मेबलं ।

नभीतोहं त्व दृष्टेन नराणां मन्न
भोजनं ॥

मे भोजनं तथा त्वंहि न भीतोहं
भुजं गम ।

तदायोधा गरुत्पक्षे दृष्ट्वा खगेन

चारितं ॥

तद्वायुना महावृक्षान् पपात भूमि
मण्डले ।

मेवलं पश्यरे नाग त्वमद्य घाट-
याम्यहं ॥

खगेनीय भक्षेयहं अद्यते जन्म दुर्लभं

थुगु खँ गुम्ह गरुड राजा अति कोपं फकनं
तःधिक व भयानक जुया दक्क बल पिकया, मिखा
ह्याउंक कना, लहाः ब्वे ब्वे स्याना थथे हक्का धाल
हे पापी चण्डालह्य ! हे नाग ! आः जिगु महानगु
जिगु बल-शक्ति स्वयाका, छ खना जि गवलेनं छुं
डर शंका कायेमाःगु मरु गथे मनुष्य थःगु नसा
अन्न खना छुं ग्यायेमाःगुमदु खः । थथेहेतुं जिनं
छखना गवले ग्यायेमाःगु मदु । खुद जिगु भोजन हे
नाग खः । छ खः । आःछं जिगु बल शक्ति छको
बांलाक परीक्षा या थुलिधयाकथं गरुडं थःगु पपू
थाथायाना मात्रं गुगु फसंकःगु सिमा जम्मा ल्हेल्हे
दना बेगोतु वन । हे नाग ! आःछं माःह्यया नाम

पुकारया, छंगु प्राण बाकी चवनीगु मखुत धया
मात्रं गरुडं काचाक नागयात नयेत आकाशे थँत
जानेत्यन । ख्व स्वया हानं नागं धाल:-

अरे तार्क्ष जन्त पूरि स्थायामि
रसातले ।

आगच्छेति महाबुद्धं भव नाग
खगेश्वर ॥

तक्षके न सुपर्णाय नीयतुं बाग्मती
जले ।

गरुडेन भुजंगाय नीयमानं
खगेश्वर ॥

गरुडाय भुजंगेन पाश बद्धन्धन
कृतं ।

पुण्य तीर्थे महत्यु दं भवति नाग
ताक्षेयो ॥

ज्योति विषाग्नि रागेन दाहो भूङ्ग
रूडां गके ।

दुर्बलो भूङ्ग रूडस्य नागेन नीयते
जले ॥

चतुर्थ दिन पर्यन्तं जलमध्ये
व्यवस्थितं ।

हे ? गरुड यदि छं सांज याःसा छंत जि
थर्थे जमलोक मव्छसंगन तोते । का छ व जि थन
युद्ध यायेवा । थुलिधया निह्यसिया परस्परे घन-
घोर युद्ध जुल । अबलें गरुडं फयां फक बलपिकया
नागयात तुतिथोक कया आकाशे थंसाला ज्वांकीगु,
पपुति दाया चोत् नका सनेमफेक कस्सिक ज्वनीगु,
लुसिं के के पुया म्हे घाः पाः याई गु, वा वय् मफे-
केत अति बेगं फय् वयेकीगु, वराबर अग्नियातेज
पिकया थःगु प्यागु पा गंकीगु ईत्यादि यान्वं
चवन । थथेहे गबलें नागं गरुडं ज्वने सन मफेकेत
थःगु न्हेपचवकां गरुडवा तुती हिना निर्ईगु, फयां
फक तःधिकजुया ज्वने मफेकेत सनीगु, वा वय् का

गरुडया पाः म्हे प्याकेगुयाईगु, वराबर बिष ल्हया
गरुडया म्हे विषं दाह यायेत सनीगु, गरुड न्यली-
बले भूमी व तीर्थया लखे व्छावाईगु ईत्यादि यान्वं
चवन । थुखंत प्यन्हु स्वचातक थथ तीर्थे युद्ध जुया
चवन । भाग्यवश व तीर्थ सेवाया प्रभावं क्रमशः
गुम्ह नागयात गरुडं संके सुद्धान्त मफत । क्रमश
गरुडवा बल शक्ति हीनजुया नागयाबल शक्ति बरे
जुजुंवया आखिरे नागंयाःयार्थे व्यूव्यूर्थे सास्ना
फया थःगु प्राणान्तवा सास्ना नया चवन ।

ततो गरुड दूर्बल भूतेन महात्रासेन
श्री नारायण स्मरणं कृतं । हे ?
स्वामि हे ? नारायण अद्य मम
प्राण संशयो भूत तव रथोहं मांरक्ष
रक्षेति प्रणामं कृतं ॥ तदा
नारायणे न गरुडस्य महा दःख
शंख-चक्रः-गदा-पद्म
धार णेन पुण्य तीर्थ आगतः ॥

गरुडाय आगच्छेति वाचंकृतेन
रक्षा कृतं । पुनः तश्च काय विष्णो
चक्रेण प्रहारणाय सज्जी कृतं ॥

थुखं गरुडया क्रमशः बलशक्ति होन जुया
प्राणान्त सारना नयेमाला च्वंगुलि तचोतंग्याना
रक्षाया निरिति श्री नारायण यात छगू स्मरण याना
प्रार्थनायत- हे ? स्वामि हे ? नारायण थौं छिम्ह
बाहन भक्तयाप्राण संकटेलाना च्वन, नाकनं याकनं
बिज्याना जित रक्षाउद्धार याना बिज्याहुं धकाछगू
पुकार याना प्रणाम यानावं च्वन । थुबले श्री
नारायणं गरुडया प्राण संकटे लाना च्वंगु ध्यान
दृष्टि खंका सीका हतासं हतासं थःगु ज्वंसा शङ्ख
चक्र गदा पद्म सहित धरेयाना गुगु पुण्य तीर्थे थ्यंक
वल । थःम्ह बाहन गरुडवापक्ष कया निरपराधि
तपस्वीतक्षकनागयात थःगु चक्र तोता प्रहार याये-
त्यन / थ्व स्वया नागं तचोगु आतुरं पुकार यात ।
नागोपि महा त्रासेन लोकेश्वर
स्मरण कृत । अद्यमे शेशयो भूत

त्राहिमां हे ? लोक नायक ॥
अथातन्त लोक नाथो समालोक्य
दिशो दशः । तदा क्षणात् सिंह
मारु ह्येन लोके श्वरागतः ।

थुवकेलाक तक्षक नागराजा नं थ.त तचोतं
जूगु छगु आतुर रक्षा याये निरिति श्री लोकेश्वर यात
पुकार यात हे ? लोकेश्वर हे ? नाथ थौंजित जिगु
प्राणया संकट व भय जुल, याकनं रथन बिज्याना
जितरक्षाउद्धार याना बिज्याहुं धका बारंवार प्रणाम
याता पुकार याता वं च्वन । थुबले थन तुरंत
बिज्याना नागया गुगु आव्हान अनुसारतुं नागयात
गुगु संकटं रक्षाउद्धार यायेनिति श्री लोकेश्वरं थःगु
बर-पद्म धरे याता सिंह गया गुगु तीर्थस्थान
थ्यकः बिज्यात । थ्व दृष्य नं नारायणं स्वया थथे
यात बिज्यात ।

श्री लोकेश्वराय बिश्वना पश्यति
लोकेश्वरस्य चरणे शीघ्रं प्रणामं
कृतं । हैं ? लोकेश्वर हे ? नाथ

अद्य मम भाग्येन तव दर्शन प्राप्तः
आगच्छ २ ममांगे स्थापयाम्यहं ॥ ॥
इति प्रणामं कृतं ॥

शुबले श्री लोकाेश्वर बिज्यागु दृष्यनं श्री
नारायणं सीका खंका श्री लोकाेश्वरया चरणे हतासं
प्रणाम याना थथे छगू प्रार्थना यात हे ? नाथ
हे ? लोकाेश्वर थौं भाग्य हृत्पोलया दर्शन प्राप्त-
जुन । याकनं याकनं जिगु म्हे बिज्याहुं । थौं छगू
महिमा शालीगु भावी प्रतिस्था ज्यायाये या कारणे
थव ज्या थन यायेमाःगु आवश्यकता जुल । अवश्य
एवपुकार स्वीकार याना बिज्याहुं धका नारायणं
प्रार्थना यात ।

थबहे प्रार्थना अनुसार तुं श्री लोकाेश्वर नं थवखं
स्वीकार यात थथःगु दुगु भूल द्वप कलह गर्व
व्यावक शान्त जुल परस्परे थिथि प्रेम प्रीतिया
भावोद्धार जुल । श्री लोकाेश्वर या स्तुति नंजुल ।
थव पालि थव छगू प्रतिस्थित ज्या जुल ।

तस्मिन् काले तु सिंह स्यो परि
नाग संस्थितः ।

तस्यो परि खगस्यांग्रे बिशु संस्थित
तद ॥

तस्यो परि बिशु स्कं धे लोके
श्वर विराजित ।

यत्र तीर्थ हरि ३ बाहन लोकाेश्वर
नाम प्रसिद्धो भूत ॥

ते सर्व प्रसिद्ध भूतेत चारुगिरी
नाम पर्वते गत ।

अद्यापि यत चारु गिरि पर्वते
प्रसिद्ध भूत ॥

येनरा यत तीर्थ सेवा कृत तस्य
यतफल प्राप्नु वन्ति ।

थनंलि थन छगू क्रमथे तजिलिसे गुम्ह
सिंहया द्योने नाग नागया द्योने गरुड थवयां द्योने
नारायण नारायणयां द्योने श्री लोकाेश्वर विराज

जुल । श्व व्याक्क छगू प्रतिस्थित ज्यायात हरि ३
बाहन लोकेश्वर नाव प्रसिद्ध व प्रख्यात जुल ।
थनंलि सिंहया शक्ति भूमीस थीक नुया तच्चोगु
वेगं तिन्हुया चारु गिरि पर्वत च्वआय् जूना, थन
छगू प्रतिस्थित ज्या प्रसिद्ध जुल श्व थौं सशचंगु
नारायण नामं प्रख्यात जुल ।

श्व खँ श्रीभगवानं मैत्री बोधिसत्व प्रमुखं सकल
सभासदयात आज्ञा दयका बिज्वात । सुनां सुनां
श्व पुण्य तीर्थ यासेवा याई वंत थुगु फल प्राप्त
ज्वी ।

॥ इति पुण्यतीर्थ महात्म्य कथा ॥

(२) शान्ततीर्थ माहात्म्य कथा
पुनरपरं मैत्रेयो बोधि सत्वेन
साञ्चलिमुदा ।

भगवन्तं तमानम्य प्रार्थय देव
मादगँत् ॥

भगवन्नाथ सर्वज्ञ पुनर्व वतुं त्व
महंसि ।

शान्त तीर्थस्य महात्म्य शोतु
मिच्छामि सां व्रतं ॥

शान्त तीर्थे कउधदारित किं फलं
प्रापितं ।

तत्सर्वं वद सर्वज्ञ सत्वानाहित
काम्यया ॥

हाकनं मैत्रीय बोधिसत्वं श्री बुद्ध भगवान—
यात अति हर्षपूर्वक लहाः ज्वजल्पा थथे विन्ति
यातः- हे देव ? हेभगवान ? सकल लोकहीत
सुखया निति गुगु शान्त तीर्थया माहात्म्य व्रत व
न्हापा श्व शान्त तीर्थे सुसु उद्धार जुयावन, छुछु फल
प्राप्तजुल, गथे गथे जुल श्व व्याक्क खँ, छको
जिमि सकसियां बांलाक न्यथेगु ईच्छाजुल हे
भगवान ? हे नाथ ? हे सर्वज्ञ ? छल्पोलं आज्ञा
जुया बिज्याहुँ ।

भगवानाह-

भगवन्तं महासत्वं संपश्य पुनरादि
शान् ।

साधु श्रुणु महासत्त्व शान्त तीर्थ-
स्य सत्कथा ॥

पुण्यं च तद्वि शेषत्वं वक्ष्यामि सर्व
बोधने ।

ततश्चयार दायिन्यां माग्बत्यां
यत्र संगमे ॥

तच्छान्त तीर्थ माख्यातं क्लेष
दोष विशोधकं ।

तत्र नागाधिपः श्रुलकः सोम
शिखीत विश्रुतः ॥

विलसन्मणि रत्न श्री फणा मण्डल
भूषितः ।

तथापि शान्त तीर्थे च ये क्लेशा
दुःखिता नराः ॥

प्रति पम्दाद्र शुल्केतु कन्यायां
बुधवा सरे ।

शान्ततीर्थे माख्यतं तदिने स्नान
माचरेत् ॥

श्री बुद्ध भगवानं धय विज्यात गुह्य महा-
सत्त्व जुया च्वंम्ह मैत्रीय बोधिसत्त्वया ख्वालं स्वया
थथे आज्ञाजुल - हे । साधु साधु महासत्त्व । जि
गुगु शान्त तीर्थया पुण्य महात्म्य कथा कने त्यना
बांलाक मनतया न्यो । हानं गुगु तीर्थ सेवाया पुण्य
व थुकीया विशेषता युक्त खंनं कने सकल सत्त्व-
प्राणीयात होत व बोध यायेगु निम्ति । गुगु मार
दायिनी व बागमति संगम जूगु गुगु स्थाय्खः व
शान्त तीर्थ नामं प्रसिद्ध व प्रख्यात जुल । हानं थ्व
क्लेश दोष प्रनाशक नदिया नामं प्रसिद्ध जुल ।
थनया नागाधिपति तुयुम्ह सोमशिखी नामक
नाग खः । गुम्हसिया विभिन्न मणिरत्नं स्फणि
मण्डलया छगू शोभा दया खुन्हु धुलियोग चुलाःगु
मेला खुन्हु स्नानादि याःसा दुगु पाप दोषं मुक्त
ज्वी धैगु छगू प्रख्यातगु खं दु ।

हे मंत्रीय ? न्हापाया छगू समये व्याक
पर्वतया राजा हिमालय पर्वत राजं छन्हु थःम्हाय
पार्वतीदेवी श्री महादेव यात कन्यादान बिया
व्छत । श्री महादेव नाग कैलाशे अति आनन्द रूप
चव चव कथहनं श्रीपार्वतीदेवीया गणेश-कुमार निम्ह
पुत्रपि जन्मजुल । छम्ह हिमालय पर्वत राजया
ज्वीगू छगू तधंगु सभाय थःम्हाय श्रीपार्वतीदेवी व
सपरिवार सकल यात नं गुगु सभायात निमन्त्रणा
बिया व्छत । अबहे निमन्त्रणा अनुसार पार्वतीदेवी
थछें थयंकः वन । श्री महादेवं नं थव सभाय् वंबले
छगू अमलची मोलायारूप कया सभाय थयंकः वन ।
श्री महादेवं गुगु रूप कया सभाया संमुखे वीगु
सभा सदते मयल-मफाल ।

थव घटनां पर्वत राजया गुलि गुलि सखिजन
पिसं अले श्री पार्वतीदेवी यात ध्याका थथे गीजे-
यात-छिछी ? थुगु सभाय् थौं श्री महादेव छगू
अमचली भोलारूप धरेयाना थयंक वीगु छगू तस्सकं
लज्जा जनक या खँ खः । थथे चां न्हि न्हियान्हिथं
गंजी-धतूर-विष त्वना अमलची व वेढंगया स्वभाव
याना ज्वीम्ह भात श्री पार्वतीदेवीया गथे प्रियगु
छगू ताजूव खः थथे झी झीत जूसा तचोगु शरमबा

ख ज्वीगुखः । तर श्री पार्वतीदेवीया छूं भतिचाहे
मछाखवापुल्वा जूथें मच्चं छि ! छी ? । स्वालका
मेभेवलेजा थः भातया अमल छीया बानी जूगु थः
यल धायका, तत धंगु सभा पर्वजा मत्वकेगु न गने
फयकेमाः । भातजुयानं कला याछकूचा खँ मन्यंम्ह
गुजोम्ह भात ज्वी सुयाजक दे ? । पार्वतीदेवीया
श्री महादेवयागु गुगु बानीखुदयोगु ज्वोमाः । यदि
मयोगु खःसा छगू वाद्यजुया नं अबश्य तोतकेमाः ।
यया हे गुगु बानीयात छकोजकन मगंगुखनेदु । गुगु
श्री महादेवयः बानीप्रति श्री पार्वतीदेवी अज्ज छगु
गौरब ताया चवंगु गजबया खँ खः छिछी ? थुकि
थौं झीझीत तकनं छगू बेईजतया खँ जूवलका हला?
धका अपालं सखिजनपिनि परस्परे थथे खँल्हात ।

अब गीजेयागु खँ श्री पार्वतीदेवी नं न्यना
छगू तस्सकं नुगले स्यात । खवाः खिउँकल । थ.गु
छें लिथयंका भातया बानीया खँ छकोल्हायेगु छगू
मौकाविचार यान चवन । छन्हुया राते श्री महादेव
यात श्री पार्वतीदेवी थथे बिन्तियायः—

हे प्रभु ! महादेव मम्हं लज्जा
कृतं त्वया ।

गजि धन्तूर भुजन्ति लज्जा शर्म
कदापिन ॥

दिगंबर सदाभूतो बृष वाहनते
सदा ।

विच्छन्द रूप भस्याङ्ग लज्जा
भवति मेसदा ॥

इत्थंमाचर त्यक्त्यं अन्य कार्य
कुरु प्रमो ॥

श्री महादेवो वाचः—

अरे पार्वती देवीत्वं किमर्थे खल
वाक कृतं ।

नवद पार्वतीदेवी ममेच्छा स्वकरो
म्यहं ॥

इत्थं माबद हे ? कान्ते पञ्चावि-
धनोपजा यते ॥

श्री पार्व त्याहः—

इत्थं कार्य कृतेनाथ गच्छा म्यहं
हिमालये ।

शितोवाचः—

अरे पापिनि कगच्छे तमम हस्ते
सदास्थितः ।

हस्तं पादेन पेनंव अति मुखल
वाचिकं ॥

चवेया पार्वतीदेवी या खँ थथेखः— थः भातया
अमलची अर्भगी बानीयात सह्याले मयाःसा थः
थछे वनेगु कराल । हाणं महादेवया चवेयाखँ थथेख
गुगु बानी प्रति सुयां चाख च्यूता कायेमाःगु मरु ।
तोतेनं मखु । थव खँ लहाह्य पार्वती देवी प्रति, छ-
जिगु लहाते, च्छह्य गन वने फेधका हका-ख्याया
कडा बचन ब्वोब्युल ।

थव निद्रासियां परस्परे बिरोधया खँ — जवा
सवा. जुल, मेसया खँ मजुल । आखिरे महादेवया

गर्वव तया न्होने चवनेग्याना -मन मजुया थमं
धयागु खँ थेतुं थछें वनेगु निरति थह्य गणेश कुमार
निह्य कार्यापि वना कैलाश तोता थःछें थ्यंकः वन
थ छें थः बौयात भातानाप जूगु त्वापुया खँ व्याकं
कन । थ मचात निह्यं बौ थाय् तोता थः सुले
खातिर छगू गोप्यगु-सुरक्षितगु स्थान मालेया लागी
अनेक थाय् थासे चाचा ह्यूह्यू क्रनशः नेपाल
मण्डलया गुगु शान्ततीर्थे त्वाक थ्यंक वल । गन
श्री खगानन गुह्यदेवी अधिस्थ न जुहा च्वंगु गुगु
स्थान खने मात्रं थन च्वंसा थःत अबश्य गुप्त व
सुरक्षित ज्वीगु संभव खन । थनहे च्वना छगू दुष्कर
तपस्या यात ।

फल स्वरूप तत्काल श्री गुह्यदेवी प्रशन्न जुया रूप-
दर्शन व ईच्छा वर फल प्राप्त जुल । हानं देवीया
प्रभाव तौपुया तः गुलि सगुम्ह ततर्थपिदृष्टवान व
महापुरुष पिसनं गनं मरुगु छगू न्हिया न्हियं श्री
पार्वतीदेवी नं अष्टउपोषध व्रत युक्तगु महान
तपस्या यान्वं च्वन ।

थुखेछन्हु हिमालय पर्वतराजया गुलिछि काल
तक नं थः म्हाय्या हालखवर छुं प्राप्तमजुगुलि
अति धंडा ताप कया थःगु बन्धुगण व थःम्ह यज्ञ
गणपि सकसितनं फुकुम्हं -फुकुथाय् तक थल- जल

वन- पर्वतया छगू छगू थाय व गुफा पत्तिकं वना
पार्वतीदेवी माला वा धका अन्हेयाना व्छत । हानं
छय्पि गणेश-कुमारपि व थमं नं थःथःगु शक्ति
वनेफुथायतक वना माः वन । तर सुनानं पत्ता
कायेमफु ।

थुखे छम्ह श्री महादेव नं थःह्य सूर्वरी कलाः
लुमंका मखुथे जि तँया बसे लाना वया उपरे छाक
वोबियागुलि थौं विजोग जुया च्वेमाल । थौंतकनं
न्हियान्हियं गुगु अमलया शूरे ल का च्वनागुलि
वाया च्वनागुनं वामताय्क वा मचायका च्वना ।
धिकार जिगु वानी । थौं जित थ्व बिना थ्व मन
यात भ्या भतिचाजकहे आराम व सुख दै मखुत
आःछु-गथेयासा याकन न पलायेगु व मेल दै धका
अनेक मनं बिचार यात थःम्ह नंदि भ्रंदि व थःगण
पित दिगदिशाया छगू छगू थाय पत्ति माला व
धका अन्हे दानाव्छत । थमंन हिमालयया र मीपे
थाय् थाय् पत्ति माला स्वत । तर सुनानं लोके
खके मफुत आखिरे थथेयाना मजिल धका छगू
विचार याना नेपाल देशया गुगु मणोरोहिनी व
बाग्मति संगम जूगु थासे वया थम्ह कला याकन
नापलायेगु कामनां दै खुद तक छगू कठोरगु तपस्या

यात । छन्ह तपस्याया प्रभावं गुगु नदिया दुने नसे
त्रिकोणाकार । (त्रिवेणी) या सुलक्षण चिन्हलुल ।
थुखे श्री खगाननगुम्ह देवीया कृपां मामां वोपि
नंदि भ्रदि गणपिसं गुगु तीर्थया समीपे छको श्री
पार्वतीदेवी या दर्शन जुल । हर्षीत जुया हतपतं
तपस्या याता चवम्ह महादेव यात थव खँ कवन
महादेव थवखबर न्यना कथं याताचवगु तपस्या
दिना अन थयंकवन । तर श्री खगानन देवीया
प्रभावं तोपुया गुप्तं चवत् चवम्ह श्री पार्वतीदेवीयात
सुनानं खंकेमफु । गुलिमाल लवीकेमफु । खबर कं
वोगु नं झुटा जुवन, श्री महादेव नं गजब चाल ।
छगू बिचार यात थथेचवना मालेफै मखुत थव
अवश्य श्री खगानन देवीया प्रभावं तोपुया त गु खँ
सीकल । थुबले श्री महादेवयात नंदि भ्रंदि गण-
पिस छगु थथेविन्तियात ।

घनोद स्थार्क बिम्ब सदृशी

द्रुष्टमिच्चसि ।

गुह्या वायुं भज विभो विकोपो

विगत ज्वर ॥ ॥

तथ्यं गण वचः श्रुत्वा भूयो भूयो

जप त्सुधीः ।

मार्थया मासतां साध्वी देहि देवी
तिमे नमः ॥ ॥

हे विभो ! सुपाचे दुने चवम्ह श्री सूर्य स्वये
थेतुं छः पिनिपार्वती स्वयेगु ईच्छादुसा कोष गव
मयासे संताप मयासे खगानन गुम्ह देवीयागु भजन
याता विज्याहुँ ।

थुबले चवेया थुलि नंदि भ्रंदि गणपिगु सत्य
वन न्यना भिगु बुद्धिमानम्ह महादेव बारं बार
हानं जय याता हे ? देवी जित प्रतिब्रताजुया चवम्ह
श्री पार्वतीयात याकनं बिद्या बिज्याहुँ छल्पोलयात
जि नमस्कार ॥ ॥

श्री महादेवं छगू बिच रयात अ : थन श्री खगानन
गुम्ह देवी व पार्वती देवी प्रसन्नता य पेयातागी
थानिनसे छ दृढगू तपस्या यावेगु मनयाता हानं द
खुदं तक तपस्यायात । फल स्वरूप छन्ह श्री महा-
देवप्रति श्री गुह्यदेवी प्रशन्न जुवा थःगु रूप दर्शन
बिल । थबले श्री महादेवं श्री खगानन गुम्हदेव

यागु मा.गु पूजा- भाव- भक्ति यांना छगू थुगु
स्तोत्र न यात ।

स्तोत्र

भगवती महादेवीं भवत्यः शरणं-
ब्रजे ।

चन्देपादावुजुनित्यं भजामी त्वस्प्र-
सीदतु ॥१॥

जननी सर्वबुद्धानां त्वमेव बोधि
दावनी ।

सर्वेषां बोधिसत्त्वानां प्राताहिता
नुपालनी ॥२॥

सर्वहितार्थं संभर्त्री सर्वपाप विशो
धनी ।

दुष्टमारगणान्क्षोभ्य महानन्द सुख
प्रदा ॥३॥

सद्धर्म साधनोत्साही मलवीर्य
गुणप्रदा ।

निलकेशस्ति मितं ध्यानं समाधि
सुखदायनी ॥४॥

प्रज्ञागुण महारत्न श्री समृद्धि
प्रदायनी ।

भगवत्यांपदाम्भोजे शरणस्थोभजा-
म्यहम् ॥५॥

श्री गुह्यदेवि हानं छगू आज्ञानं दयकल ।
हे ! महादेव छ प्रति जि प्रसन्न जुल । छं पार्वती-
देवी यात गबले अपमान यायेमते आः छंम्ह पार्वती
छःम्ह माला लययाका धया छगू तधंगु अत्भूतगु
द्विष्टिका लहाः या पाःल्हापति उथे उथे पि द्विष्टिम्ह
पार्वती ववया छगू विश्व मूर्तिरूप दर्शन विल ।

दंपती भक्ति संतुष्टा विश्वां
मूर्ति मदर्शयत ।

त्रैलोक्ये दिव्य वस्तूनि धारयन्ती
महो ज्वलां ॥

नस्तुतौ न जपे चर्यां न प्रदक्षिण
कर्मसु ।

निरूप्य दशने वापि नक्तौ मोह
माययौ ॥ ॥

थथे निम्हत्पू यागु भक्ति संतोस जुया
विश्वमूर्ति दर्शन बिया बिज्यात । गुजोगु मूर्तिधाः सा
त्रैलोक्ये गुलि तक दिव्यतस्तु दु वस्तु धारणयाना
महा उज्ज्वल जुया बिज्याम्ह । थुगु अवस्थाय्
महादेवं स्त्रोत्र यायफु, न जप प्रदक्षिणा यायेफु
मेमेगु न छु कर्म यायेफु, गुगु ह्य दर्शन जुये मात्रं
थयेच्चं अयेच्चं धाये मरुक्कं छगू बिहोल मोह लगे
जुया तोले जुया च्वन ।

लिपा क्षणमात्रं मोह ज्यंका श्री महादेवं
यःम्ह पार्वती थमं माला लयया काये मफया ०
विश्वमूर्ति रूपप्रति छगू क्षमा यवना थथे छगू
बिन्तियात । हे ! प्रभो छःपिगु कृपा दृष्टिबिना

जि थ म्ह पार्वती देवीघाय हसोका लयया काये-
मफुत जिगुउपरे दयतया याकन पार्वतीदेवी बिया-
बिज्याहुं ।

थव बिन्ति अनुसार ० विश्वमूर्ति द्वारा छम्ह
जकगु पार्वतीया रूपल्हाःते ब्वसें श्री महादेवयात
पार्वती लःल्हानाबिल । विश्वरूपया अग्र निम्ह
त्यपूया छगूमेलजुगुया छगू संयुक्त नामं कोटेश्वर-
रूपं पर्वच्चे महान देवस्थान छगू प्रसिद्ध जुल ।
थबले नसें निहत्पु बाय् म्वालीगुखतं छगू रूपगु
नाम उमामहेश्वर प्रसिद्ध जुल ।

यानदी मिलिता तस्यां तन्नाम
दुःख दारिका ।

संगमे शान्ततीर्थे यत्कलि दुःख
प्रशान्ति कम् ॥

शंकरेण तप स्यप्तं शंकर स्यापि
शंकर ॥

तस्मा च्छंकर नामासी त्रिवेणीरुद्र
धारिकः ॥

गुगु थुकीया लोगु नदियानां दुःख दारिक ।
 धकासीके थव संगम जूगु थाय कलि दुःख शान्ति
 याईगु निति शान्त तीर्थ नामं प्रसिद्ध प्रख्यात जुल
 हानं शंकर तपस्यायाःगु गुगु नदी जूगुलि शंकर
 यातहे कल्याण याःगु जूयानिति त्रिवेणी रुद्रधारा
 शंकर तीर्थनाम प्रसिद्ध जुल । पुनांतीर्थसेवा याई
 वेत थुजोगु फल प्राप्त ज्वी ।

ईति शान्ततीर्थ गह्यश्वरी महात्म्य कथा

३. शंकरतीर्थ (शंखमोल)

माहात्म्य कथा पुन-भगवानाहः—
 ततश्च मणि रोहिन्यां वाग्मत्यां
 यत्र संगमे ॥ तत्राद्ध निःसृता
 शुल्क स्फरिका हार सन्निभा ॥
 रुद्र यारा मृता ख्याता तथाच
 तत्र संगमे ॥ त्रिवेणी संगमे तेन
 शंकरतीर्थ मुच्यते ॥ तच्च नागा-
 धिपः शंखपालो गौरोति सुंदरः ॥

मणिरश्मि समुद्दीप्त श्री मत्फणा
 विभूषितः ॥ इप शुल्क द्वितीयांच
 तुलेपि गुरुवा सरे ॥ शंकरतीर्थ
 विख्याते स्नानं कुर्याच तद्दिने ॥
 तत्र शंकरतीर्थ येमानवाश्च यथा
 विधिः ॥ स्नानं कुर्युर्मुदा यावदेक
 विंशति वासरं ।

श्री भगवानं धय विज्यात-गुगु मणि रोहिनी
 व वाग्मति संगम जूगु अथवा ववंचे थहां वंचगु
 त्रिवेणी रुद्र धारा उत्पन्न जूगु गुगु स्थान खः थव
 शंकरतीर्थया नामं प्रसिद्ध व प्रख्यात जुल । थन
 बासिदा नागाधिपति अतिसौंदर्यशाली व लुंया
 उंनर्थे ह्यासुसे च्वंहा स्फनाय तिसा मणि (रत्न)
 या तेजं जाज्वल्य मान जुया च्वंहा शंखराज नामक
 नागराजा खः । थव तीर्थया पर्वदिन आश्विनशुक्ल
 द्वितीया तुला संक्रान्ति बृहस्पतिवार थव योग
 चूलाईबले थुकीया मेला दिन खः । थव पर्वदिने
 प्रख्यातगु थव शंकरतीर्थ स्नानयाये । सः सूर्या

सुंगुम्ह मनुष्यपिसं गुगु विधि व छगू श्रद्धापूर्वक
नीछको स्नानयाये । थव तीर्थसेवा व तपस्या
याःगुया फलं-प्रभावं न्हापा सुसु गुम्हगुम्ह रक्षा
उधार जुगु दु थव खं थथे दुः-

न्हापा पांचाल देशया छम्ह साःझवा ब्राम्ह-
णया न्हिन्हिथे बने साइव वंबले छन्हु अकस्मात
छम्ह भालू वोगुलि सादक्कं चीवादना सा मामां थः
नं लंतना दुर्गम्य बनेलाः वन । तस्सकं नयेपित्यात
नयेगु मामां छ थाय् त मागु सिमांगया तित्युसि
सःगु खाखां ननं च्वंबले दुर्भाग्यवश सिमांकचा नापं
तोधुला सिमां कुटुं वन सिमाक्वे छथाय् अगाढगु
तधंगु जोया छगू गाः वंगु धोपे कुटुं वन । भाग्यं
तचोतं घाः पाः मजुल । तर थव गालं थहां वये
फेगु संभव मदया उखें थुखें स्वस्वं अति बिलाप
यानावंच्वन ।

भाग्यवश थवहे ताके आहारया निति चाह्यू
वोम्ह बीर बलवान-धर्मा वत्तार धर्मकुबल नामक
कविराज छम्हसें थव खोगु शःन्यन्यं त्वाक्क थव
थासे थ्यंकः वल । गुगु गालं थः कायेगु या लागी
थः गाले क्वाहांचना न्ह्योने च्वना छगू खं थथे
धालः-

एह्ये हि पृष्ठ मारुह्य सुलग्नो स्तुभ
वान्मयि । यावद भ्युद्धरामित्वां
स्वदेहात्सार मेवच ॥ कायस्य सार
हीनस्य ह्ये पःसार तरः सतां । परेषां
यो हितार्थेषु साधनी क्रियते बुधेः ॥
सतंथेति प्रति श्रुत्यन्नम्वा नम्या न
पदान त्रिधा । प्रदक्षिणी कृत्य
पृष्ठमा रुरोड सबे पथुः ॥ अथाभि
रूढ स्तेनासो भाराहि व्याहतो
पलं । अनयने सत्त्व बलात्त
मुज्जाहार कृच्छतः ॥ उधुत्यैव
महाप्रीतः खेदीबन्यानि भोजयन ।
बिश्रा महेतोः शयनी चकार शिला
तलं ॥ अथ शुद स्वभाव स्वात्कृ
तोपकारकातरः । अपायैषु निरा-

शंको विश्रम्भा देन मब्रचीत् ॥
 अव्याहत व्याघ्र सिंहे वनेत्र भय
 संकुले । खेदसुप्तपुरः कश्चिद्ध
 न्तिमां स्वहितो दयं ॥ यतोभवान्
 दिव्य चक्षुमभिर्मानं चर क्षतु ।
 क्षणं तत्स्वप्नु मिच्छामि दृढं श्रमेण
 पीडितः ॥ ॥

हे ! ब्राम्हण वा, वा छ थन जिगु जँफाते
 बांलाक गया क्वातुक घय्पुना च्वं, थथे जि थनं
 उत्रे याना उद्धार याना बी । जि जिगु श्व शरीरं
 यायेमाःगु सारगु छगू श्व ज्या याये । श्व सार
 मदुगु शरीरया तःधंगु सार छु धाःसा छगू परोप-
 कार परहित साधन यायेगु ज्या यायेगु खः ॥
 थुलिखँ कपिराजां धासेलि ब्राम्हणं तथास्तु धका
 श्वखँ मान्य याना धर्मावित्तार माकःया तुतिसं
 भोसुना त्रिप्रदक्षिण याना चाहुला थःगुम्ह ठर ठर
 खाका क्वाटुक घय्पुना लुकुं छिका च्वन । थथे
 कपिराजां ब्राम्हण यात तचोकं भारं कुबियेगु-

या सानं कपिराजाया थःगु बीर्य पराक्रमयावलं सँ
 मदुसानं ज्यूज्यू थासं वा सिमां सिमां तिति न्ह्या
 थःगु प्राणया बाजो तथा छगू परीश्रमपूर्वक गुगु
 अगाड जोया धोपं च्वे थत हल । थथे उत्रे याये
 धुंका श्वंगु उपरे अति प्रेम तथा हानं थ असामथं
 जूसां ब्राम्हणयात थमं बने दुगु बस्तु माला माला
 नके हल । थमनं नल । अले थाके जूगुयानिति
 छुंभति छनेगु याये त्यन । उपकारया उप अपकार
 याईधंगु संसुद्ध भावनापिसं बिचार मयाईगु खँहे
 खः । थथे तुं श्व वानरराजानं बिचार याना श्व
 ब्राम्हणया ख्वा स्वया हानं थथे छगू खँ धाल ।
 थन बने हिसक जाति व्याघ्र सिंह आदि अनेक वन
 जंतुया भय दंगु स्वाभाविक खः । जि थके जूगुलि
 छुंभति छनेमासे वल । छना च्वतले छुंभति चा
 याद नाना मिखा बबया स्वया बिज्याहुं । यदि
 सुंगुम्हसिगु भय बोसा थना बिज्याहुं । श्व खँ
 झोझी निम्हसियां सुरक्षाया लागी खः । आः जि
 थाके जूगुलि भतिचा छनेत्यना धका थुलिखँ धया ।
 श्व धर्मावित्तार कपिराजा स्याक्क छन । खजा श्व
 पापी ब्राम्हणं कपिराज यात छनःदिसं धका पिने
 पहल छि छुं धंडा कायेम्वाः जि माःगुतक हेरचार

याना चवने धका तभः बिया खँ लहात । मनं छगू
तस्सकं बिश्वात घाटकगु कल्पना यात । थव दुबल
शरीर यात बिनां ला मनेक बलाई मधुत । आगन
मेगु मालेगु थव दाना चवंम्ह स्याना थवंगुला नयेदु
साःबलाई धंगु मन याना दाना चवंम्ह उपकारीया
उपरे द्रोह चितना याना क्षोनेताःतुना लोह छगोलं
प्रहार यात । धर्मय प्रभावं कय कुगु कयगु थाय्
मलासें मेथाय् छथाय् लोहते लाःगु शब्द दाना
चवंम्ह ठाडा नुया न्ह्यलं चाय्कल । चाकःमकल
स्वत सु खने मरु । केकुम्ह पापीम्ह ब्राम्हण काकुक्
धाया त्रास कया चवन । थव प्रहारक ब्राम्हण हे
प्रमाणित जूसां हानं वंत छगू तभः बिया थथे
धाल । हे ! ब्राम्हण पापकर्म थनजक दुःख पोड
ज्वीगु मखु परलोके नं अपालं दुःख कस्त भोग
याये मालोगु खः सुनां पाप कर्म याई वंत जि
धिकार याना । हे ! ब्राम्हण छं अति संकोचयाये
माःगु छनेदु । आः छ थःगु छँ लिहां हुँ । थव अपाल
भय दुगु जंगले व्याक जि छन्त तरेयाना गां वनेगु
लँधोदुका कयनावी धया नाप ब्वनाहया तत्कालं
वने माःगु व लोक जन वं च्वं दुगुलें थयंका थन
तोता कपिराजा लिहांवन ।

थव पापी ब्राम्हणं लेअति दुःख करत न नं
थःवयेगुलें लीना बल्ल तल्लं छेथयंकः वल ।

ब्राम्हण जुयाछें थयंकामनं थ थमं पसंताप-
चाया छगूखँथथे धाल उपकारकयःउपरे हत्याया
चितना याना महापाप यानागुजुल । थवयाफल
भाग जि तत्कालं याये मा गु व मालीगु जुल ।
धका चां चां न्हि न्हि धंडा तापकया जुल । छुं
समय लीपा छन्हु गुगु मनो भावना नुसारतुं ब्राम्हण
या शरीरे छगु चित्र कुष्ठ रोग उत्पन्न जुयावल ।
म्हछम्ह ह्याउंसे फातः २ वंगु घाः जुया ला धोगी
नवोर्थे नवोगु न्हि पिहांवंगु, न्ह्याकनःसां म्हेछ फति
तिले भाग्यगु रोग न्हिथबरे जुयावल । थव रोग
लहोहिह्यां कुचाया वा सरे ज्वीगु भयं थः कलाः
व मचातसें नं छँ पीतना हल । हानं लोक जन
पिसनं थथेहे गामं पितनाहल । थथ थाय् मदया
चवने वना अति कस्तं पुबंक जीवन हना चवन ।

उवले पांचालया सर्वतन्द जुजु छन्हु बहे वने
चाह्यू वंगु बखते थःप्रज्ञा ब्राम्हणजु छम्हसिया
थुजोगु अवस्था स्वया छगू दया नं तया थथे उपदेश
विल हे ब्राम्हणजु ? यदि छं थव रोगया उपचार

छगू पायेगु जूसा थन चवना जीमखु । मेमेगु बास
लजक नंजी मखुथे ताया थव रोगया वासः व उप-
च र छगु तीर्थ वने योग्य खः । छ वनेगु मन दुसा
जिमाःगु प्रबन्ध याना बिघे गन वने ईच्छादु धाः ।
थव बचन न्यना थवहे खँ अनुसार वनेगु मन याना
गुगु शकर तीर्थ वनेगु खँ बिन्ति यात । थव हे
बिन्ति अनुसार राजां थव ब्राम्हणजु यात माःगु
साम व भस्या ईत्यादि सुप्रबन्ध याना थव ब्राम्हण
यात शंकर तीर्थ थयंकः छिमिसे तया वा धका
दूततेत छगूखँ अहे याना छवत दूत तसे शंकर
तीर्थ थयंक तये यंकल ।

थव कुष्ठ रोगी ब्राम्हणजु न्हिन्हिथे तीर्थ
चवना तीर्थया लखं म्हछ्म्ह दुने पिने शोधन याना
नित्य श्री त्रिरत्नया भजन याना गुगु तीर्थ सेवा
व तपस्यायाना चवन । थथे चवचवं क्रमश क्षितिदं
दसेली व्याक पाप व कुष्ठ रोग फुना छगू स्वच्छगु
निर्मलगु दिव्य शरीर जुया वल । ब्राम्हणजु थव
तीर्थ प्रति अति प्रभावित व प्रशंसित जुल । थव
खना अपाल लोकजन पिसेनं थव तीर्थप्रति व थव
ब्राम्हण जुया प्रति प्रभावित व प्रशंसित जुल । हान
थव ब्राम्हण जु थःगु जीवन काछि थव तीर्थ हना,

कालां तरे स्वर्गीय जुया स्वर्ग कपिल देवपुत्र नामं
प्रसिद्ध जुल । सुनां तीर्थ सेवायाई ध्वंत धव
फललाई ।

इति शंकर तीर्थ माहात्म्य कथा ॥

(४)-राज तीर्थ माहात्म्य कथा

पुनः भगवानाहः- ततश्च राज
मञ्जर्यो बाग्मत्यां यत्र संगमे ॥
तद्राजतीर्थ माख्यातं राज्या रोग्य
सुख पद ॥ तत्र नागाःधिप शुक्रः
शुक्रा सूरूपा ख्योति सूरुदरः ॥
मणि रत्न महादीप्त सूप्रभा
माण्डताश्रयः ॥ उज्जौ शुक्ल
तृतीय वा विच्छेपि शुक्रबासरे ॥
राजतीर्थ मिति ख्यानं स्नानं
कुर्याच्च तदिने ॥

हानं श्री बुद्धभगवानं ध्याविज्यात-गुगुराज-

मंजरी व वरमति संगम थूगु गुगु थय्छः व राज्य
आरोग्य सुख दाता राजतार्थ नामं प्रसिद्ध व प्रख्यात
जुल । थनया नागाधिपति तुईसे बांलासे च्वंहा
सुरूप नामक नागराजा खः । स्फाणाय मणिरत्नया
जाज्वल्य मानगु तेजं प्रभा मण्डल अति बांलाना
च्वंहा खः । थनया मेला पर्वदिन-कार्तिक शुक्ल
तृतीया वृश्चिक संक्रान्ति शुक्रवार खुहु धुलिदोग
चूलाईगु दिने खः । थव दिने राज्य द । राजतीर्थ
व प्रसिद्ध प्रख्यातगु दिने स्नान पाये । थव तीर्थ
सेवायाः प्रभाव न्हाग सुसु उद्धार जुल थव खं थथेदु-

न्हापा धर्मरटन देशया बंधुमति शहर निवासी
महाजन बर्ण सार्थशाह व वया कलाः बर्णलक्ष्मी
निम्ह त्यपू दु । छन्हू बर्ण लक्ष्मीया गर्भाधानजुल ।
गुलिछि समय मदुव छन्हू बर्ण सार्थ वाहण न्यासः
मेरि वनिजालपि जाना गुगु रत्नाकर समुद्रे व्यापार
पायेगु निति छँ तोता प्रस्थान जुयावन ।

कथंथे बर्ण लक्ष्मीया गर्भनं न्हिथान्हिथं बरे
जुजुं वल । छगू अद्भूत खतं दुगु धन-सम्पत्ति
छसिकथं बुत्पा (नाशजुल) वन । छन्हू कायमचा
बुल गूम्हमचा छन्हू छि च्याता प्रकारया अलक्षणया
भावदुम्ह । थव मचाबुया छन्हू दुबले अक्समात छँ

सिदना छँ व मेगु दुगु धन सम्पत्ति ब्याक सखाप
जुल । छगू दिन होत अवस्था दल । च्वनेगु थाय-
मदया यथथे फलिचा फिसले तक बास याना छगू
दुःख पूर्ण जीवन हना च्वन ।

थथे च्व च्वं गुलिछि दिन वसे लि छन्हूया
दिने वर्ण लक्ष्मीजुं आहारा कायेगु लागी थःपुत्र-
यात प्रेमपूर्वक हवाः स्वया छगू खं थथे धालः-

हे ! पुत्र आःछ निनिदं नं फुत । थौं यात
आहार मदुनि । आःछं छगू थव दंद व चाया पात्र
उवना भिक्षा पवंहं । मांया थव आज्ञ यात पालन
याना मचां थ याकचाजक भिक्षाएवं वन । गनं
गनं छं भतिचा भिक्षा प्राप्त जुल । थव नं मेमेपिस
ल कालुकु फाकापुकु याना वाका बिल अन्न व
नयेगु छुंछकूचा छे थ्यने मलाकं फुत । छन्हू मखु
निन्हू मखु थुलतं बराबर पदना ह गु पदार्थ निराश
ज्वोकः गुलि छन्हू काययात मांमं छगू खंथथे धालः
हे पुत्र ! थौंजि प्यन्हू च्यान्हू भिक्षा पव वने
मफया छ व्छयानं छंत गुलिसिनं हेला याना हल,
गुलि सिनं कथि चिदाया-गुलिसि नं चां धुलं
व्छाका सास्ना याना हल । थौं थव अभागी व
दुःखमय जीवन हना च्वनेमाःगु, छु गुगु काणरखः

श्व शीसं रस्यु । सीकं-मसीकं श्व जीदनंजाछुं
 मत्पोगु मयाता थें च्वं । पुर्व जन्मे छुछु गुगु
 तःधंगु श्राप वा पापकर्म यात् ज्वी, श्व स्मृगु मखु,
 न्हापाया जन्मे छुंछुं दान पुण्य धर्म कर्म याता
 मवल मखा ज्वी उकि थुलित शी खना बिधाता व
 लोकजन बिमुख जुल । थौं गुजोगु दुःख पाप भोग
 याता च्वने माल । थुलतं जुसां निरश ज्वी म्वा,
 बहू शीसं सत्य छता तोतेमज्यू, लिपा भाग्यया चक्र
 हिला अवश्य छन्हु सुख भोगयाये दं तिनि । गुबले
 तक छं बाःलिमश्चनि उबलेतक धर्म याये माल ।
 जबः लिश्चनि अबले अपालं धन रत्न ज्वना वं ।
 श्व तमः बिया खं ल्हाना दुःख तंका च्वंगु अव-
 स्थाय श्व हे ताःके थन छम्ह म्हस्यूम्ह (बन्धु)
 मनू त्वाक थ्यंक बल । श्व मनुषं गुगु जुया च्वंगु
 दुःख मय अवस्थायाबारे थःगु छगु उपदेश थथे
 बिल । हे ! बण लक्ष्मी छंत होत ज्वीगु छगू खं
 ल्हाये बांलाक न्यो । श्व खं खः म्बु छगू बिचार-
 नीयखः । श्व छु धःसा गबलेतक छिमि अलक्षणम्ह
 काय्मचा नाप च्वना च्वनी अवलेतक छिमित
 गबले सुख आनन्द दंमखु । आःश्व पूत्र यात छगू
 तीर्थ सेवा याके व्ह, अले लिपा सुख ज्वीफु ।

थुलि बन्धुवा छगू हीत वचन न्यना श्व खं
 सत्य हे खः धका मान्य याता थःपूत्र नाप वियोग
 ज्वीगु दुःखं मिखाय् खवितया खाखा तूगु स याता
 थःपूत्र यात बोधबिया थथे धाल । हे ! पुत्र न्हापा
 जन्मया कर्म दिपाकं थौं अलक्षण भाब व अभागी
 जुया दुःखमय जीवन हना च्वनेमाःगु कारण छनं
 स्यूगु हे दु । श्वव्याक दूष नाशक सुलक्षण सुगुण
 फलदायक उपाय श्व दु धंगु न्यनागुदु । नेपाल
 मंडल या गुगु तीर्थ स्थाने छगु तपस्या यायेगु ।
 यदि श्व हे छं फल प्राप्त यायेगु उद्योग व उमेद
 यायेगु अति योग्य खः । इच्छा दुसा धा, जि नं
 छंत छगू वचन विये ।

थथे मांनं छगू वचन विये धाःगु न्यना श्व
 बालक नं थथेहे यायेगु मन ईच्छा याता मांयाके
 बिदा काल ।

ऋतमम्वां वचो मत्वा नत्वा स्वं
 कर्म दूषयत् ।
 संगमार्थे संगमार्थी त्रिरत्नं संस्मन्त्र
 यात् ॥

थुलि मां यागु बचन पालन याना थःगु कर्म
यात द्रव तया मां यात बंदना याना मां नाप लोपा
सगम जूवयेगु ईच्छा याना श्री त्रिरत्न यात लुमंका
गुगु तीर्थ सेवा यायेगुया लागी गमन जुयावन ।
कथथे बवं गुगु राज तीर्थ थंका छन्हु छगु विधि
पुर्वक तपस्यायात । क्रमशः खुदंदुवले थव तपस्याया
प्रभावं अलक्षण भाव व दक पाप नाशजुया छगू
सुंदर रूप व कुशल बुद्धि व योग्य पुरुष जुया-
वल । मन कामना व आसिका सिद्ध जुल ।

उखे छन्हु वर्ण सार्थ वाहजु न अपालं धन
रत्न ज्वना व्यापारं छे लिहां वोम्ह नं थंकाः वल ।
उखे थुखे दासी जुया दुसीया चवंम्ह थःकलाःमाला
नापलाना थः थाय् ब्वना हल । निम्हत्पूया
थःथःत जूया घटनाया बारे जूगु ब्याक खं परस्परे
न्यनेकने याना छगू न्हुगु छे व मामागु सामान ताः
लाका प्रेम प्रीति नं जीवन हना च्वन ।

छन्हुया दिने थःकाय् छे ब्वना हयेगु लागी
वर्ण सार्थ वाहजुं गुगु तीर्थे काय् माःवग । भाग्य-
वश त्वाक तपस्या याना चवंम्ह छम्ह सुंदर तपस्वी
पुरुष याके गुगु खं ब्याक न्यने कने यात । थवहे
थःकाय् धका खं सीका काल । छगू बोध याना

थःगुछे ब्वना हयेगु खं लहात । काय् नं थव खंयात
स्वीकार यासेलि थःगु छे हयेगु मन यात । थव
तीर्थप्रति पूजाज्या याना थनं बिदा कया छे थंका
वल । सकल जाहान छे चूलाका सुखनं दिन हना-
च्वन ।

न्हापा न्हापाया समये गनंगनं देशे राजा
खाली ज्वी बले योग्यराजा पूति व नियुक्ति यायेगु
छगू अधिकार सकल प्रजाजाना छम्ह किसि द्वारा
नियुक्ति यायेगु चलन दु, थव हे चलन अनुसार
उवले गुगु बन्धु मति शहरया राजा प्यंगुलि थव
पूति व नियुक्ति यायेया लागी सकल प्रजावर्गपित
छगू थासे मुं वयेमाः धैगु छगू धंधाघोषणा जुल ।
थव घोषणा थें उपस्थित ज्वीया लागी गुम्ह सुन्दर
पुरुष न अन थंकाः वन । सकल प्रजा वर्गनं थव
थव थासे स्वो वन । गुलिसियां राजा ज्वीगु आशा-
तया थःथःगु भाग्य ब्वया गुम्ह गजराज यागु
प्रतिक्षा याना च्वन ।

तदा गज वरे नैव क्रयात दर्शना
गतः ।

तथास्थित सुंदरं दृष्ट्वा मृत-
जले नवै ॥

स्नापयित्वा तुस्वांगे तं स्थाप-
यित्वा निवर्त्तयेत् ।

तदा मन्त्री जनैः सबै एपराजा
भविष्यति ॥

इति निश्चिन्त्य सर्वेते मन्त्री पुरो-
हिता दयः ।

चकारास्मै सुंदराय अभिषेकं
वया विधि ॥

सिंहासने प्रतिष्ठाप्य लोकेभ्यो
दर्शनं ददौ ।

हत्था नम्य तृपं लौकाः परस्पर
गभा पतः ॥

अहोस्माकं भाग धनं नृप संदर्शनं
वरं ।

प्राप्त मद्येति संहर्ष क्रमात् स्वास्वा-
लयं ययूः ॥

ततः सुंदर राजोपि सर्वा लोका-
न्विनोदयत् ।

स्वस्व धर्मे प्रतिष्ठाप्य शशास-
स्वात्म जानिव ॥

राजा नियुक्ति याः येत बांलाक छायपा तःम्ह
गुम्ह गजराजं छसिनसें छम्ह छम्ह स्वस्व क्रमथे
सुंदरपुरुषयात स्वत । तीर्थे तपस्या या गुया प्रभावं
श्वहे योग्यखना अमृतघटं स्नान याकल । थःगु, स्वथं
तुईका अदरापुर्वक वाहले तथा राज कूले जंकल ।
थथे राजपदया नियुक्ति थ्व सुंदर पुरुष हे पुन
निश्चय जुसेलि, राज कूलया व्यावक मन्त्री पुरोहित
दिका अधिकारीवर्ग पिसं माःमाःगु विधि-विधान
व कूलाचार अनुसार राज्याभिषेकया ज्या संपन्न
यात । छत्र सहित छगू सिंहासने बिज्याका सकल

जगत्प्रवर्गित नं दर्शन बिल छगू हर्षपूर्वक सकल
प्रजा वर्गनं योग्यराजा प्राप्त जुल धका परस्परे खं
ल्लाह्नां नमस्कार घाना थःथःगु छे लिहां बल ।

छन्हु गुह्य सुंदर राजा नं सकल प्रजावर्ग
सत्ता थये छगू आज्ञा जुल । ह्री सकसिनं न्हियं थ गु
कर्त्तव्य व धम पालन घाये माल । जिसदा प्रजा-
वर्गपिगु दुःख मदेकेगु शासन चले घाये । युद्धं
जन्मकार्त्तिकुशासन चले घाना छन्हु स्वर्गीय जुया
स्वर्ग जन्मजू वन ।

सुनां सुनां थव तीर्थ सेवाघाई वंत थुजोगुतु
फल प्राप्त ज्वी ।

इति राजतीर्थ माहात्म्य कथा

(४) — मनोरथतीर्थ (फुसि-खो)

माहात्म्य कथा

पुन भगवानाहः— शृणुसाधु महा
सत्व मनोरथाख्य सत्कथां ॥ पुण्य
फलादिकं सर्वे वक्ष्यामि सांप्रतं
किलं ॥ तथात्र विमला वत्यां

केशावत्यांच संगमे ॥ मनोरथ
तथाख्यातं स्वेच्छा लंकार संपदं ॥
तत्र नागाधिपो भीमः कूलिका
ख्योति कर्बुरः ॥ फणामणि समू
हीप्ता श्री प्रभा मण्डिता श्रयः ॥
मार्ग शुक्लेषु पंचम्यां धनुषि
शनिवासरे ॥ मनोरथ समाख्याता
स्नानं कूर्पाच्च तद्दिने ॥ तत्र
मनोरथतीर्थे मनूजात्र यथाविधि ॥
स्नान दानादिकं कुर्युं रेक विंशति
वासरं ॥

हानं श्री बुद्ध भगवानं धया विज्य त-हे !
साधु महासत्व हे मैत्रीय ! गुगु मनोरथतीर्थया
भिगु कथा न्यों । गुकीया निश्चितगु पुण्य फल व्रत
इत्यादि व्याकं कने । गुगु विमलावती व केशा-
वतीया संगम जूगु गुगु थाय् खः, व स्वइच्छायें

फलदायक मनोरथतीयं नाम प्रसिद्ध - प्रख्यात
जुल । थनया वासिदा नाग धिप छिरीविरी रंग
व ग्यानापुसे च्वंहा-कुलिक नामक नागराजा खः ।
श्वया स्फनाय् मणि-रत्नया तिसा अति जाज्वल्य
मान जुया-शोभा युक्तगु प्रभामण्डल जुया च्वंहा
श्व खः । थनया पर्वदिन गुगु मार्ग शुक्ल पंचमी
धनु संक्रान्ति शनिश्चरबार थुलियोग चल ईगु दिने
मेला दिन खः । श्व प्रख्यातगु दिने मनोरथतीर्थे
स्नान याये । सुं सःस्युपि मनुष्यपिस गुगु विधिथे
नीछकोतक स्नान व दानव्रत ईत्यादि याये । श्व
तीर्थ सेवाया प्रभावं न्हापा सुसु रक्षा उद्धार जुल
श्व खं थथे दुः-

न्हापाया छगू समये गुगु मनोरथतीर्थया समीपे
वराह (वडेल) छह व धुं (चितुवा) छम्ह निम्ह
सिया छगू संयोग जुल । निम्हसियां पुर्व वासनाया
प्रभावं अक्समात छगू छगू गर्व उत्पन्न जुया-निम्ह
सिया छगू घनघोर ल्वापु जुल । तःतःसकं घाःपाः
जुलनं श्व गुगु ल्वापु शान्त मजू । निम्हं उत्तिकं
बलवान-सैथ त्याःबू मजू । निम्हसियां थःथःगु प्राण
त्यं दतले ल्वाना निम्ह गुगु तीर्थे प्राणतोता वन ।
थथे तीर्थे प्राणतोता वगुया प्रभावं निम्ह स्वर्ग-

रोहन जुया स्वर्गया निम्ह तीर्थिक देव पुत्र जुया
जन्म जुल । निम्हसिनं नं परस्परयागु निगू प्यंगु
जन्म न्हापा यागु-ज्ञान "पुर्वानुस्मृतिज्ञान" दुपि
जुया जन्म जुल ।

छम्हम्ह तीर्थिक देवपुत्र थथे थःगुखं सीकल
खंकाधालः- अहो ! आश्चर्य जि जिगु न्हापाया
छगू जन्मे राजाजुया जन्म जुयाबले गुगु तीर्थया
समीपे गुम्ह विचित्रम्ह चला छम्ह खना थवंत थमं
स्याना वयागु श्व पापं भोगया बडला थःमनं
लिपाया जन्मे थःनतुं छगू थासे छम्हचला जुया
चलाया योनि जन्मकाये माला थमस्याना वयागु
पापया बडला लिपा ब्याधां स्याका बडलापुला
वयेमाल खनि श्वयां लिपाया जन्मेनं जि धुं जुया
वराह नाप ल्वाल्वां गुगु तीर्थे प्राणतोता वयागुया
प्रभावं थुगु जन्म कायेदत दका छगू हर्षित जुल ।

थथेहे तुं निम्हम्ह तीर्थिक देवपुत्र नं थःगुखं
सीकल खंकाधाल - अहो ! आश्चर्य जि जिगु
न्हापाया छगू जन्मे जि चलाजुया जन्म जुयाबले
निर्दयि राजां गुगु तीर्थया समीपे जित स्यात । श्व
स्याःगु पापया बडलाया रूपे जि लिपा ब्याधा जुया
जन्मकाये जित स्याःम्ह राजा वहेचला थोनि

जन्मजुया च्वंम्ह यात बडला खतं छगू विषसहितगु
बाणं कय्का स्याना कर्म भोग याये माल । थवयां
लिपाया जन्मे जि वराह (बडेल) जुया गुम्ह धुं
नाप ल्वाल्वां गुगुतोर्थे प्राणतोता वयागुया प्रभावं
थुगु जन्मकाये दतधका छगू हर्षीत जुल ।

थथे निम्ह तीर्थिक देवपूत्र पिनिगु परस्पर
थःथःगु ब्याक खँ देवराज ईन्द्रयातनं बिनतयात ।
थव खँ न्यना सकसिनं तीर्थप्रति तस्सकं प्रशंसा व
अनुमोदन यात ।

छन्हु देवराज ईन्द्रं गुगु तीर्थया महिमा
शालोखँ छगू परिक्षा यायेनिति स्वर्गं क्वाहां वया
गुगु तीर्थथ्यंका वल । छगू भक्ति-आदरपुर्वक
माःमाःगु दर्शण व पूजाभाव याना तीर्थ सेवा
यानावं च्वन । उगु बखते तुं थन छम्ह अति
सौंदर्यशालीम्ह कन्या मैजु छम्हन थव तीर्थप्रति
सेवायाना थः ईन्द्रायणी ज्दी दय्माँ धैगु कामना-
याना च्वंम्ह छम्ह ल्यासेन दुगु जुया च्वन । सौबा-
ग्यवश बराबर वैचवच्वं छन्हु गुम्ह ल्यासे मैजु व
भेषधारी देवराजईन्द्र निम्ह थन त्वाक चूलात ।
खँल्हावल्हा (भेदघाट) जुल निम्हसियाँ मन
कामुना अनुसार अक्समात छगू प्रेमप्रीति जुल ।

सौंदर्यशालीम्ह मैजुखना देशराज ईन्द्र अति मोहित
जुल । गुम्ह मैजु अवश्यं थव देवराज ज्दी धैगु
मनं निश्चय यात । लिपा देवराज ईन्द्रं छगू खँ
थथे धाल -

भगिनि कुतरायासि मययूहं
सुदूरतः ।

अद्यतव गृहे रात्रौ वास मिच्छामि
देहिमे ॥

इति तद्वचनं श्रुत्वा सा स्त्री हर्ष
समन्विता ।

देवेन्द्रीय मिति ज्ञात्वा तमुवाच
स्मितामुखा ॥

आगच्छ मेगृहे साधो मया सहानु
गच्छतु ।

तयाप्रोक्त मितिश्रुत्वा तथा सह
सगच्छति ॥

गृहे प्राप्ते सदेवेन्द्र क्रीडांकृत तथा
सह ॥

क्रीडान्ते स्मृति मासाद्य पश्चाताप
प्रभूतिस्थितः ॥

नान्योह देवराजाख्य स्वर्गं गच्छामि
सांप्रत ॥

तेन वं प्रोक्त माकर्ण्य कृतांजलि
पुटो मुदा ॥

पादौनत्वा पुरःस्थित्वा देवेन्द्रसैवम
ब्रूचित् ॥

स्वामिन्यहं मानुष्यस्मि देहिमे वर
मुत्तमं ॥

तयेयुक्ते सदेवेन्द्र स्वांस्त्रिय मेव
सब्रूचीत् ॥

इन्द्रयणा मनोमाता नामा भूत्वा

सुखं वस ॥

वरं दत्वा सदेवेन्द्रः स्वर्गं दृष्ट्वा
समाचरत् ॥

मनोरथा भिधानो भून्मनोरथाभि
पूरजात् ॥

मिमला वत्यभि धासा नदीया
संगमी ततः ॥

हे ! केहें मैजु छ गनं वयम्ह छः जिगुछे
जा अपालं तापा जि उकीं थौंयागु रात्री छको छंगु
छें जित बास व्यु धका धासेलि व मिसां हर्षपूर्वक
थव अवश्यं देवराज ईन्द्र ज्वी धका भाःपा ह्यू ख्वालं
छगू लिसः बिल । हे ! साधु ज्यू, ज्यूनु बिज्याहुँ
जिनापं बिज्याहुँ धका थुलिबिन्ति यासेलि व मिसा
नापं देवेन्द्र वन । जब व मिसाया थाय् थयसेलि
वंगु छें बासचवना व देवराजईन्द्र रात्री व मिसा-
नाप छगू मौका लाका रति क्रीडा यात । थवया
लिपा छगू स्मृति वसेलि मखुथें अकर्तव्य यानागु
जुल धका छगू पश्ताप चाल । व कामी ईन्द्र व

दिव्य सुंदरी कन्याया न्होने छगू खं थये धालः-
हे ! केहेमेजू जि थोया रात्री छ नाप रति कोडा
जुल । जि मेम्ह मखु स्वर्गया ईन्द्र खः उके जि
थन च्वना च्वने मज्जु जि याकनं स्वर्गेलिहां वने
त्यना । थुलि ईन्द्रया वचन न्यना व मिसां ल्हाः
ज्वल्पा छगू हर्षमानपुर्वक ईन्द्रया तुती निपा ज्वना
अनियाना देवराज ईन्द्रया न्होने थुगु खतं विन्ति
यातः- हे ! स्वामि जि मनुष्य खः जित छगू तधंगु
वर विनां छःपि बिज्याये मज्जु । थुलि व मिसां
घासेलि- देव राज ईन्द्र व मिसायात छगू आज्ञा-
जुल छ ईन्द्रायणी मनोमाता नाम प्रसिद्ध जुया सुख
पुर्वक थन च्वना च्वं धका छगू बरदान बिया ईन्द्र
स्वर्ग बिज्यात । थये मनसुवा पुरेयाना । ब्यूगुलि
श्व तीर्थया नाम नं मनोरथतीर्थ प्रख्यात जुल ।
व वाग्मति हनाच्वंगु नदिया नाम- विमलावति
प्रसिद्ध जुल । सुना सुना श्व तीर्थ सेवायाई वंत
थुजोगु फल प्राप्त ज्वी ।

॥ इति मनोरथतीर्थं माहात्म्य कथा ॥

(६)- निर्मल तीर्थ (भौचाखुसि)
माहात्म्य कथा पुन भगवानाहः-

साधु श्रुणु महासत्व निर्मल तीर्थ
सत्कथा ॥ पुन्य फलादिकं सर्व
बोधने ॥ ततश्च कुसुमावत्यां
केशा वत्वापि संगमे ॥ निर्मल
तीर्थ माख्यात कल्पना विघ्नना-
शनं ॥ तत्र नागो पलालाख्यः
पीत वर्णे महाद्युतिः ॥ दिव्यरत्न
प्रभौज्ज्वाल श्री मत्फणा विभू-
षितः ॥ तत्र ये मानवा याव
देय विशति चासरं ॥ स्नान
दानादिकं कुर्यु स्वथा सर्वेच यथा
विधि ॥ पौष शुक्लेच षष्ठभ्यां
मकरेच विशेषतः ॥ तीर्थे निर्मल
विख्याते कुसुमा वति संगमे ॥ ॥

हानं श्री बुद्ध भगवानं धया बिज्यातः- हे !

साधु महासत्त्व हे मैत्रीय । गुगु निर्मल तीर्थया
भिगु कथा व पुण्य फल आदि व्याक जि कने त्यना
सकलें बोध याये निति । गुगु कुसुमावति व केशा
वति संगम जूगु गुगु थाय् खः श्व कल्पना विद्यन
नाशक निर्मल तीर्थं नाम प्रख्यात जुल । थनद्या
बासिदा नागाधिप पलाल नामक नागराजा खः ।
म्हासुसे अत्यंत तेज वान्म्ह व दिव्यमानगु रत्नया
तिसां-शोभा युक्त स्पनाय ल्यूगुलि अति बांलाःगु
खवाः जुया च्वंम्ह ख । थन सुं गुम्ह मनुखं छको
वा नीछक्को स्नान याये । दानपुण्य ईत्यादि व्याक
गुगु बिधियेयाये । थनया पर्वदिन पौष शुक्ल षष्ठमी
मकर संक्रांति आदित्यबार थुलि योग चूलाई दिने
मेला खः । गुगु कुसुमावती संगमगु निर्मलतीर्थ नामं
प्रख्यात जुल । न्हापा श्व तीर्थे सुं गुम्ह रक्षा उद्धार
जुल, श्व खँ थथे दु ।

काषी पांचाल देशीयो बज् पादा-
भिधो बली ।

विद्वान गणित विद्वैद्यस्तां त्रिको
न्याय तत्परः ॥

सर्व शास्त्रेषु निपुणी महः कारु-
णिको जनै ।

किंतु तस्य महान्दोषो यशो नास्ति
सदुर्लभं ।

बिनिर्ययौ पशो भीप्सुः स्वात्मानं
निद्य भूयसा ।

किमनेन बहुज्ञेन यशोहि भूषणं
सनां ॥

न्हापा गुम्ह पांचाल देशया छम्ह बज्रपाद
आचार्य-महा बलवान-बिद्वान-गणित-तांत्रिक वंछ
सर्व शास्त्रनिपुणम्ह न्याय निति स्पूम्ह-लोकजन,
लोकजन प्रति करुणा-कृपा दुम्ह श्व खः । श्वया
छता द्वेष दया चवन श्व छु धाःसा यश प्राप्त मज्जु
न्हागु ज्याननं यश लाभ मज्जु-अपजस वंगु । थुकि
थःथमं थ त वारवयार निदा यान् चवन । छुयाये
जि न्हाक्क शास्त्र सः स्पूसां गबले यशप्राप्त मज्जु
सदां अपजस जकवंगु । विद्वान सज्जनपिनि धा.सा
यश हे तिसा जूया चवन, श्व चितां छन्हु श्व गुगु

यश-सिद्धि प्राप्त यायेगुलागीं अर्थात्-यश सिद्धि
दयकेया कारणे-यःगु छे पिहाँ वया गुगुं थाय
थासेया छगू तपस्थान मामां जुल ।

गत्व गत्वां च नेपाले कुसुमावति
संगमेः ॥

केशावत्याः प्रती च्यांस पितृवन
गुपा गमत् ॥

स्नात्वा तत्संगमे राधद्विद्याधर्याख्य
योगिनी ॥

नित्य विद्याधरीदेवी माराधेन
जपं कृतं ॥

पद्वर्षश्च गते काले विद्याधरी प्रशन्न
भूत ॥

ततः प्रसादिता विद्याधरी गगन
माश्रिता ॥

दाडिम्भ पुष्प संक्राशा सहश्रारूपा

सन्निभा ॥

चतुर्दश्यां च कृष्णायां निशीथे
तमसा कुले ॥

प्रोज्ज्वाल यत्ती सकल क्षेत्र तडि
सूभा ॥

वज्रं करोटं विभ्राणा लोचन त्रय
शोभितां ॥

तीथ मेच ततस्तुष्टा वरदा
स्मोप्सित वरं ॥

वज्रपादोति हृषितो यशो वब्रु सु
निमतं ॥

कीर्ति मेकांच भवती भवत्यव
स्थिरो सदां ॥

स्वप्नवन्मन्य मानोसा वुन्मीन्य
नयन द्वयं ॥

विद्या धरीता मुद्दीक्ष्य कृताञ्जलि
रथा स्तचीत् ॥

क्रमथे ववं नेपाल मंडलया गुगु कुसुमावति
संगल जूगु केशावति नविया पक्षिमे छगू शमशाने
वना अनया खुसि हे स्नानयाना थः आराध्य
विद्याधरी नामक योगिनी देवीयात आराधन यात ।
न्हिया न्हिथं श्री विद्याधरी देवी आराधन याना
तप यात । खुदं दसेलि छन्हू श्री विद्याधरी देवी
प्रशन्न जुया विज्यात । उगु बखते श्री विद्याधरी
देवी प्रशन्न जुया आकाशे विज्याना दर्शन विल ।
गथिम्ह देवी धाःसा धालपति स्वार्थे ह्याउं वर्णम्ह
द्विछिम्ह सूर्य ल्यूगुथे ह्याउगु तेज वर्ण, कृष्ण पक्षया
चतुर्दशी छुन्हू छ्यूगु रात्री द्विछिम्ह विजुलि चमके
जूगु थें सकभगं प्रकाशमानम्ह, वज्र-पात्र ज्वना
स्वंगुः मिखा कना अति शोभायमानम्ह देवी, छंगु
तपस्या खना जि प्रशन्न जुये धुन, छंगु मनकामना
सफल ज्वीगु जुल धका छगू अज्ञादय्का विज्यात ।
उगु बखते योगी बज्रपादं हर्षपुर्वक छगू जस
सिद्धि वर ब छगू कीर्ति वर न पवन थ्व कीर्ति
वर छु धाःसा श्री विद्याधरी देवी सदाया निति

थ्व थासे विराज ज्वीकेगु थूलि निता बरदान
पवनाकाल । म्हगसेथे ज्वीका चकंगु मिखा निगलं
कना श्री देवीयागु ख्वाः स्वया ल्हाः ज्वजल्पा थुगु
स्तोत्रनं यातः-

स्तोत्र

जय जय देवा सुरनर शोबारचित
पाद पद्मा कुसुम विचित्रा ॥ जय
जय मंदार कुसुम माला जय जय
सत्तार जलधि पारा ॥ १ ॥ जय
जय हंसामृत पर वंशा कुलि करा-
टक कर तल एते ॥ मुकुट विराजे
शिवसि मुनीशे मणिमय कुण्डल
लसिते भुजंगे ॥ २ ॥ जय जय
विद्याधरी शुभकारी उरसि भुजंग
धिपंमणि माला ॥ जय जय बैरो-
चनी वर देहे कठित संवेष्टि शुभ

घंठे ॥ ३ ॥ जय जय वीरेश्वरी
 भव हारी मणि बिलसन्नपुल लज्ज
 दृष्टि ॥ कर कसु पुष्पा रूप
 शतवर्णे तडिद द्युताधिक द्युति-
 रचितासे ॥ ४ ॥ जय जय दुर्गे
 जननी भवानि जनन जरा रुक
 निधन सत्पने ॥ षडधिक त्रिंशा-
 क्षर मनुमाले प्रलय निसर्गोत्सृजन
 निदाने ॥ ५ ॥ कुसुम बिचित्रां
 पठतिय एतां लभति यशस्यः कृत
 जन वश्यः ॥ निगम सुसारः सकल
 रहस्यो भव जलधे पार कूदत
 बर्गे ॥ ६ ॥

॥ इति स्तुति ॥

इति स्तुत्वा देवीं परि चित यथा

शक्त्यु पचारैः ।

प्रणम्य प्रानचीपितगुण यशो लाभ
 सुख दां ॥

महाकीर्तौ मे हे भगवति सदा
 त्रैव बसतां ।

तथेत्युक्ता न्तर्द्वन्त्वमसि यशसे
 गच्छ नगरं ॥

थुलि स्त्रोत्र याना गुम्ह देवीयात गुगु छगू
 उपचारं पूजा भाव याना नमस्कार याना व गुण-
 यश-कीर्ति-लाभ-सुख-फल वीम्ह देवीयातस्वया हे
 देवी छगू भावी कीर्ति व प्रतिस्थाया लागी छल्पोल
 सदां थन विज्याहुँ धका प्रार्थना पुकार यासेलि श्री
 विद्याधरी देवीमं थव प्रार्थना स्वीकार याना जिगु
 अंश छगू थन चवनेगु जुल । छनं लोकजनयालागी
 थःगु देशे छे विज्याहुँ धका थुलि आज्ञाजुया अन्तर
 धान जुया विज्यात ।

ततः प्रातर्वन्ज पाद स्तीर्थ्य मर्थ्य
 कृतांजलिः ।

निर्मलं प्राप्स्यते यस्मा दस्तु निर्म-
ल संज्ञकः ।

विद्याधरं शमा धाय प्रतिष्ठाप्या
चंयन्मुहुः ।

स्वजयाम पुरं वीरः पदे पदे यशो
लभम् ।

यशोसि भूयासि सबज् पादो,
लेभे धनी त्रयां शशि नोधिकानि ।
तद् शनानु स्मरणा उजनोपि,
यशोऽयव श्री गुण वांश्चलेभे ॥

अनंलि सुथे जूयले गुह्य वज्रापादया लहाः
ज्वजल्पा प्रार्थना यात जित् थौं निर्मल (दिव्य)
यश सिद्धि प्राप्तजूगुलिं थ्व तीर्थं नाम निर्मलतीर्थं
ज्वी मा । श्रीविद्याधरी यानु अंशप्रतिष्ठा प्रसिद्ध
याना वारंवार गुगु पूजा भक्ति याना व वीरह
आचार्य थाय् थासे अपालं यश सिद्धि प्राप्त याना
थःगु छे देशया व अपालं शिष्यपिगु आव्हान अनुसार

छम्ह थःगु देशे-छे लिहावन । व वज्र पाद यात
तर्धगु चद्रयाया सिक निर्मलगु यश सिद्धि प्राप्त जुल
व दर्शनयाःपि स्मरण याःपि लोक जन वितर्न छगु
यश सिद्धि श्रीशोभायुक्तगु ज्ञान न प्राप्त उवीगु
जुल । मुनां थ्व तीर्थ सेवा याई वेतर्न थियेतुं फल
प्राप्त उवी ।

इति निर्मलतीर्थं साहाय्य कथा

७.- निधानतीर्थं (लखतीर्थं) महा-
त्म्य कथा पुन भगवानाहः- साधु
श्रुणु प्रवक्ष्यामि निधानतीर्थं सत्कथा
॥ पुण्य फलादिकं चैवसर्व सत्वाथ
हेतुना ॥ ततः सूवर्णा वत्यांच
केशावत्याभि संगमे ॥ निधान
तीर्थं साख्यातं सर्व संपत्ति दायकं
॥ तत्र नागो हरित वर्णो नन्दो-
पनन्दना वुभौ ॥ नाना रत्न प्रभो
दीप्ति श्री मातृफणा विभूषितौ ॥

माघ मासे शिते पक्षे सप्तम्यां
कुम्भ संगमे ॥ रविवार विशेषेण
निधान तीर्थ स्नापितं ॥ तस्य ये
मनूजा यत्र एक विंशति वासरं ॥
स्नान दाना दिकं सर्व कर्म कुर्यु
र्यथाविधिः ॥

हानं श्री बुद्ध भगवानं ध्या विज्यात हे !
साधु हे मैत्रीय, गुगु निधानतीर्थया भिगु कथा जि
कनेत्यना न्यो । थनया पुण्य-फल इत्यादि सकल
सत्त्वप्राणीयात होत सुखया लागी । गुगु सुवर्णावती
व केशावती निगु संगम जूगु थाय् खः । श्व अनेक
धन सम्पत्ति फलदायक निधान तीर्थ नामं प्रख्यात
जुल । थनया बार्सिदा नागाधिपति वाउं वर्णम्ह
नन्द उपनन्द जोडापिनिम्ह नाग खः । अनेक
रत्नया तिसा फनाय् तिया तःगुलि ख्वाःपा उज्ज्वल
जुया चर्वापि श्व खः । थनया मेली दिन गुगु माघ
शुक्लया सप्तमी कुम्भ संक्रान्ति आदित्यवार थुलि
संयोग जुईबले पर्वदिन खः । विशेष श्व दिने स्नान

याये । थन सुंगुम्ह मनुखं नीछको स्नानयाये थन
गुगु विधिथे दान पुण्य कर्मकाण्ड इत्यादि फुक्क
कर्म याये । न्हापा थन सुसु रक्षा उद्धार जुल श्वखं
थथे दुः-

न्हापा पांचाल देशया पंचचूड राजाया
रानीपि स्वम्ह दु । स्वम्हसियां कार्यापि छम्ह छम्ह
क्रमथे रत्नचूड, दिव्यचूड, दीनचूड दु । श्व दिय
चूडया छता अपालं कुसंगत खराप वानीदु । न्हिया
न्हियं भक्ति-कुथि-जुवाद्यो मेमेगु म्हितेगुलीजक
जुयेगु ।

थःके दक्क फुक्क धनसंपत्ति व थःकलाया
तिसा- वसः नं रवाहा यात । थथे जुया मांम्ह
लक्षणारानीया तस्सकं अपशोचदु, हरे ! श्व काय्
या वानी गुलि खराप । न्हैथुपिनि काय् पिनि गुलि
सत्सगी गुणी ज्ञानी धर्मात्मा स्वः ।

श्व दीनचूडया कुसंगत व कुलानी हटेयायेगु-
ली व्याक्क दाजुपि मां वी कला पिसणं गुलि
प्रेमपूर्वक न्वाना खं ल्हातनं वंगु वानी व कुसंगत
तके मफु । राजानं छगू दमन नितिकायेगु विचार
याःगु खः तर श्वखं रानीया अनुमति मदुगुलि
तोतातुं छवत ।

कथंथे दीन चूडया न्हिथं दारोद्रता व संताप
युक्त जीवन हने माल । व्याक्क थःथिति वौ-मां
जक मखु जीवनया पासा कलाः नं तकनं गुगु
वानीया पाखें भाःत तोता थःछें च्वंवन । साहुं
क्यना पिलुयेतकन मजिल । थःथे थमं तस्सकं अप-
शोच थाना थःथे धालः-

यदालि गितो स्त्री सुतो भातृ वर्गः
पिता सौप्रसू वं थु वर्ग सुहृच्च ॥
जहात्या श्रुसं भाषणा दौदरीद्र
आनाद्री यतिश्चा दरिद्राग्नि दग्ध ॥

गुबलेजा प्रेमयाना घय्पुनातःम्ह स्त्रीपूत्र
भाईवंधु मां बौ दाजु किजा इष्टमित्रपिसनं गुम्ह
दारोद्रम्ह पुरुषयात न्वंमत्वीगु ईत्यादि याना हेगु
स्वाभाविक हे खः । थ्वैत गवलें आदर याई मखु ।
थथे हेतुं थ्वदीनचूडयात नं जुल । गुगु कारणां थः
मेथाप् देश वनेगु विचार याना छन्हुछें तोता
विस्युंवन ।

कथंथे नेपालमंडलया गुगु स्वयंभु स्थानथ्यंका
दर्शनादि याना छगू तस्सकं हर्षयात । कथथे दरीद्र

जीवन निर्वाहया लागो छगूलःया समीपे च्वंपिन्यात
नाना ननं गुगु निधान तीर्थे थ्वंकः वल । थन च्वना
छगू खुदें तक दृढ तपस्या यात । छगू सुवर्ण फल
प्राप्तजुल । गुगु प्राप्त धन व्याक्क दीन हीन
दुःखीतेत दान प्रदान यात । कालांतरे स्वर्गारोहन
जुया छगू नागलोकया नागपरे जन्मजूवन । थननं
न्हिथं गुगु थःगु पुर्व जन्मया खलुमंका “अनित्य मेव
संसार पुण्य मेकचं नित्यश” धैगु महान वाक्य छगू
लुमंका थःकेदुगु धन रत्न सूवर्णाति गुगु निधान
लोर्थद्वारा प्रवाह याना थ्व तीर्थ सेवीतेत उपकार-
याना च्वन धैगु खं छगू प्रख्यात गुल ।

तस्मात्स्वर्णवती ख्याता यतःस्वर्ण
मवाह यत् ।

स्वर्ण नद्याः संगमेन तीर्थो निधान
संज्ञकः ॥

गुकि सूवर्ण वहे याना हःगलिं स्वर्णनदि धैगु छगूनां
प्रख्यात व प्रसिद्ध जुल । व स्वर्णवदि संगम जूगुलि
थ्व निधानतीर्थ धैगु नाम जुल । सुनां थ्व तीर्थ
सेवायाई वैंत नं थुजोगु फल प्राप्त ज्वी ।

॥ इति निधानतीर्थ माहात्म्य कथा ॥

(८) - ज्ञानतीर्थ (कव्हखुसि)

महात्म्यकथा

पुन भगवानाहः ॥ साधु श्रुणु प्रव-
क्ष्यामि ज्ञान तीर्थस्य सत्कथां ॥
पुण्य फलादिकं चैव वक्षेहं तान्प्रवो-
धने ॥ ततश्च पाप नाशिन्यां केश-
वत्याभी संगमे ॥ ज्ञान तीर्थ तदां-
ख्यातं दिव्य भोग सुखप्रद ॥ तत्र
नागा धिपः शुल्क बासुकि नमि
भीषणः ॥ दिव्यरत्न प्रभा श्री
तत्फणा लंकार मणिडतः ॥ फाल्गुण
शुल्क अष्टभ्यां मीनेपि शनिवासरे ॥
ज्ञान तीर्थ मिति ख्याते तदिने स्नान
मालभेत् ॥ तत्र येमानवा याववे

विंशति वासरं ॥ स्नान दानादि
कर्माणि कुर्युः सर्वाणि यथा वन् ॥

हानं श्री बुद्ध भगवानं धया विज्यात हे !
साधु हेमैत्रीय गुगु ज्ञान तीर्थया शुभकथा जिकने
त्यता बांलाक न्यो । गुकोया पुण्य फलादि कने गुपि
बोधयायेया लागी । गुगु पापनाशक नदि व केशावति
नदिया संगम जूगु थाय गुगु खः व दिव्य भोग
सुखपद बीगु ज्ञानतीर्थ नामं प्रख्यात जुल । थनया
बासिदा नागाधिति तुयुह्य ग्यानापुह्य बासुकि
नामक नाग खः । दिव्यरत्नया तिसां त्यूगुलि
शोभायुक्त स्फणा व ख्वा जुदा च्वह्य थव खः ।
थनया पर्वदिन फाल्गुण शुल्क अष्टमी मिन संक्रान्ति
शनिवार थुलि योग चूलाईबले मेला दिन खः । थव
दिने प्रख्यातगु ज्ञान तीर्थे स्नान याये । थन सू
गुह्य मनुखं नीछको स्नान व दानादि गुगु विधित्थे
व्यावक कर्म काण्ड याये । थव तीर्थसेवाया प्रभावं
न्हापा सुषु रक्षा उद्धार जुल थव खँ थथे दुः-

न्हापा उत्तर सिमानाय् छगू कपूर्वबति
देशया अज्ञान शोधन राजा छह्य दु । थव राजा
तस्सकं मूढ-मुखं खः । छुं मस्यू, ज्ञान-बुद्धि छुं

मदु । श्वहे कारणं श्व देशया शासन बोधन अधि-
कार संपूर्ण मंत्रीवर्ग व मूल मंत्रीया लहाते
वियातल । कथंथे मंत्रीवर्गया छगू गर्व उत्पन्न जुल
श्व देशया जि जिपिहे सर्वेसर्वा खः थथे मूल
मंत्रीयाके राज्यया शक्ति लाःगुलि थःगु स्वार्थ
सफल यायेगु लागी कथंथे थःयोयोथे लालाथे मन
परी सनाहल हानं राजाया प्रतिनं अवहेलना याना
हल । रानीयाततवनं थःगु वशेतया थःह्य प्रेमीका
याना तल । श्व चालनं राजांसिल । छन्हु श्वहे
अपमान कुकर्मपाखे मन बिरक्त भाव जुया थः
कलाः राज्य तोता छे पिहां वन । कथंथे उखे
थुखे तीर्थ स्थान माःमा भाग्यवश गुगु ज्ञानतीर्थ
थ्यंकः वल ।

मेमेपिसं याःगु स्वया श्वनं कथंथे श्व तीर्थ
प्रति न्हिया न्हियं शृद्ध व सोळा मनं दृढतापूर्वक
तीर्थ सेवायान वं चवन । गुलिछि समय वसेलि
छन्हु तीर्थ सेवक राजप्रति श्री तीर्थ देवता अति
प्रशन्न जुया आकाश बाणीरूपं छगू भविष्य बाणीनं
जुल । हे ! राजन छंगु अंत्य अवस्थाथ्यन । छ
तत्कालं लोपा भाग्यवान् ज्ञान बुद्धिवान्हा व छगू
“पूर्वा नुस्मृतिज्ञान दुम्ह राजा जुया जन्म काये

दंतिनिगु जुल । श्व तीर्थ वा तीर्थ यातीरे गुलि
गुलि मृत्युजुया वपि पापदेह नाशंजुया पुण्य देहजुया
वन,, गुलि देवलोके जन्मजुल, गुलि राजकूले जुल,
गुलि ऐश्वर्यवान् जुया वन । छनं छगु कामुनथे
छंगु हे देशे जन्मका वने दैगु जुल । थुलि आज्ञा
दयेका गुगु बाणी अन्तधान जुया वन ।

छन्हु अवसमात गुम्ह राजानं गथे फसे
लःमिसे ज्वोगु थें गुम्ह राजाया शुद्ध चेतना आत्मा
नाप मिले जुया गुगु तीर्थेतुं मृत्यु जुया वन । तीर्थ
सेवाया प्रभावं तत्कालं श्वेगु प्राण बायु छगु यात
व्येकः जना गुगु संकेत नगरया ज्ञाना कुर राजा
कोषे गुम्ह ज्ञानवति रानीया गर्भे प्रवेश जूवन ।
समयजुसेलि गुगु गर्भ पूत्र जन्म जुल । कूला चार
अनुसार श्व राजकुमार यात ज्ञान केतु नामाकरण
यान विल । कथंथे तधिकः जुल । दंतिनिदं दुबले
माःगु शास्त्र विद्या पुर्ण याना छन्हु राजकुमार यात
राज्याभिषेक विद्या बौम्ह तपो दम-वन । श्व
ज्ञानकेतु राजा थ गु पूर्वानुस्मृति ज्ञान दुम्हजुया
जन्मजुगुलि थःगु पूर्व आसिका अनुसार मामां पित
मामाथे ज्यायाना सकल प्रजा वर्गयात अतिसुख
आनन्द पूर्वक राज्य चले याना वन । अकि गुगु
पापनाशनी व केशावती संगम जूगु अज्ञान नाशनी

ज्ञान प्रदायनी जूगुलि श्वैत ज्ञान तीर्थं नामं प्रसिद्ध
प्रख्याल जुल । सुनां सुनां श्वतीर्थं सेवा याई श्वैत
नं थथेहेतुं फल प्राप्त ज्वी ।

इति ज्ञान तीर्थं महात्म्य कथा

(९) — चिन्तामणितीर्थं (त्यखु
दोभान] महात्म्य कथा

पुनर्भगवानाहः— साधु श्रृणु महा
सत्त्व चिन्तामणि कथास्वरं ॥ पुण्य
फलादिकं सर्वं वक्ष्यामि सर्ववीधने ॥
ततश्च यत्र वाग्मत्यां केशावत्याच
संगमे ॥ तच्चिन्ता मणि माख्यात
सर्वं कामार्थं संपदं ॥ तत्र नागा
धिपः शुल्को वरुणसर्व नागरात् ॥
दिव्य रत्न प्रभा श्री मत्फणा
मण्डल भूषितः ॥ चैत्र शुक्ल दश
म्याञ्च मेपेपि शुक्र बासरे ॥ चिन्ता

मणीति तीर्थेषु स्नानं चापि पकल्प
येत् ॥ तत्र ये मानया यावदेक
विंशतियास रं ॥ स्नान दानदिकं
सर्वं कुर्याद्विधिवत् आदरात् ॥

हानं श्री बुद्ध भगवानं ध्या विज्यातः— हे
साधु ! गुगु चिन्तामणि तीर्थं या भिगु कथा न्यो
गुकीया पुन्यफलादि व्याकफ कने त्यना सकलें बोध-
यायेगु निति । गुगु वाग्मति ब केशावति संगमजुगु
गुगु थाय्छः श्व सर्व कालार्थं प्रदायक चिन्तामणि
तीर्थं नाम प्रख्य त जुल । थनया बासींदा नागाधिप
तुयुम्ह बरुण नामक नागया छम्ह पूडाम्ह श्व खः ।
दिव्यरत्नया तिसा फनाय् त्युगुलि शोभायुक्त प्रभा
मंडल जुया चवम्ह । थनया पर्वदिन गुगु चैत्र शुक्ल
दशमी मेषसंक्रान्ति शुक्रबार थुलि योग चूलाईबले
मेला दिनखः । गुगु दिने गुगु तीर्थं स्नानयायेगु
संकल्प याये । थन सूंगुम्ह मनुखं नोछको स्नान-
यायु । थथेहे स्नान दान पुण्यादि व्याकं विधित्थे
आदरपूर्वक याये । न्हापा श्व तीर्थं सेवाया प्रभावं
सुंगुम्ह रक्षाउद्धार जुल श्व खं थथे दुः—

ग्रामे बासव संज्ञेति सेनोनाम
महाजनः ॥

समुन्द्र वृत्ति द्रव्येण यक्षेत् तुल्यः
सुधामिकः ॥

तस्यपुत्रः पुण्य सेन सर्व सुलक्षण
मण्डितः ॥

दृष्ट्वा बासव भूपेन साथ पूर्वति
नन्दिनः ॥

दत्तं तस्मै कण भूषणं रत्नकणिक
सून्दरं ॥

तस्य रत्नस्य मूल्यं तु कोपिकतु
नश क्यते ॥

तस्मात्तस्य कोटि मूल्य मिति
पूर्वसु कौशलात् ॥

एतादृशं कर्ण भूषं नस्य कर्ण
व्यावथितं ॥

तस्य संज्ञः कोटि कर्ण रिति लोकैः
प्रचारितं ॥

नहापा छगू बासव नामक नगरे छम्ह सेन
नामक कृषक अति धनाध्य धामिक महाजन
छम्हबु । श्वयाज ३१ गंवलें गबलें समुन्द्र वृत्तियाना
रत्नाकर समुन्द्रे व्यापार याः बनीगु । श्वया छम्ह
पुत्र दत्त पुण्य सेन । श्वमचा अति सुलक्षण युक्तम्ह
सौंदर्य शालीम्हखः । छम्हु श्वखना श्वदेशया राजा
बासव अति प्रसन्न जुया श्वंगु निति छजो तिसा
रत्नया कुण्डल प्रदान यात । सौभाग्यबश जौहारी-
तसें श्व कुण्डलया अतमोल थुकेया मूल्य छगू कोटी
ल्याखं तयातल । श्वहे कारणं गुम्ह पुण्यसेन या
छगू नाम "कोटी कर्ण", नामं लोके प्रख्यात प्रचार
जुल ।

कथंथे श्व कोटी कर्णया जौभन जाया वसेलि
छम्हुया निने वौनं अति परिश्रमपूर्वक थःगु वृत्ति
बुज्या याना च्वंगु स्वया बौयात छगू खं थथे

विन्तियात । हे ! बुवा झीसं थ्व बुँ ज्या सनेगु
लोगुनं मखु योग्यनं मजू ।

थ्व खँ न्यना बौम्हं छगू खँ थथे लिसः
बिलः- । हे ! पूत्र शक्ति दयानं न्ह्यागुसां छगू
वृत्ति मयासेँ बेरोजगारी व अलसिजुया सुंमुक
चवने मज्यू । यदि छुंलाभ भयाःसा न्ह्याक्कहे
धन दुसां याकनं नाश जुया वनी ।

बौयागु थ्व खँ कोटी कणया मने दुहांवन ।
अवश्यं थ्व खँ जित न्यंकूगु खः जि सुंमुक चवनेमते
धा गु खः धका मनं विचार यात ।

छन्हुकोटि कर्ण गुगु रत्नाकार समुन्द्रे
व्यापार वनेगु बिचार यानां बौ मांयाके विदा
पववया तर मांवौपिसं संका व अमंगल वचन
ल्हाना गुगु वनेगुलो वचन व स्वीकृति मव्यू गुगु
वचन उलंघना याना थःत माक्क सामान व
पासापि जाना छन्हु छेँ तोता गमण जुयावन ।
कथर्थे नगर पर्वत मरुभूमि उलंघन याना गुगु
रत्नाकर समुन्द्रे थ्यंकःवन । सौभाग्यवश गुगु थासे
चवना तत्कालंहे बनच व्यापारं अपालं धनरत्न
लाभयाना सकलें पासापि मुना थनं प्रस्थान जुया
छेँ लिहां वयावं चवन ।

थःगु ललितना मरुभूमिववं संयोगवश छगू
तस्सकं गौफ्य वया लतना व्याक्क पासापि छले-
लात थःयाकचा छले लात । मने हतास व
त्रासचाया गया चवनाम्ह गधायात व्वाके जंकेगु
विचारं लया वासना नं तुतुं विस्तारं वना च्वंम्ह
यात द या स्नास्ना याःगुलि छन गधा नरभस जुया
लःया प्यासज्वीका म्ये न्ह्यतु न्ह्याया स्येस्ये फूफू
वयका न्यायेगु तपदिना बिल । अले थ्वगधा तोता
थः न्यासेवन । व झंदकले मखुगुलं लाःवन ।

कथर्थे व्याक्क पासापि छेँ थ्यंकः वन गुह्यसेन
महाजन यात मरुभूमियांल कोटिकर्ण तंगु व जूगु
व्याक्क खँ कन । सेन महाजनं काय् यागु आशनि-
राश जुया काय्या नामं स्मृति यारूपे थःगु छगू
वगीचाया दथ्वी तस्सकं वांलाक छगो देगः दय्कल ।
थुकी थाय् थासे सालिक साहसन (संसः) तामापत्र
शिलापत्रादि सकतां सिद्ध याना गुगु देवालयया
ज्य व्याक्क संपूर्णयात । थ्वयानागु पुण्यं काय
याकनं लिथ्यनेमाः धैगु आशिका- कामना यात ।

उखे कोटिकर्ण छह्य लःया प्यासं लःमासां
थःगु छगू कर्मगतिया प्रभावं गुगु कर्मभूमि
(जन्मद्वारे) लाःवन । अपालं मनूतसेँ थःथःगु कर्मा

नुसार याना चवंगु कर्म भुगतमान दर्शण जुल ।

श्व यमद्वार गुजोगु थाय् धाःसा अपालं मनोरमता नं दु हानं अति भयंकर व सुनसानगु छगू थाय् श्व खः । गनं खरो सः गनं हासलं नगर श्वया चवन । छथाय छगू ढोका खने दत । थन छह्य पाले चवना । श्वअत्यन्त ग्यानापुगुह्य व कडाह्य तुतांजवना ह्याउंक गुलिच्याक तगोक मिखाकना चवम्ह श्वंके स्वकःतक लःतोनेगु दैला ? धका न्यनानं श्वं नों मबासेलि प्यासं सह याये मफया दुने वना लः माः वना । छथाय् अपालं प्रेतणपि-खना गुजोपि धाःसा मानुंक्केजक यागु पंजःथे तस्सकं गंसि तःधि प्वाः तगो, गःपःचीपु, कथुचीप्वा पि.छुं नये तोनेगु प्राप्तजूसां घुटुके फैंथेमचवंपि जिथुमिके न्यना छुकारणं छुपापं छिपि थन लाःवल हानं छिमिसें जित लःत्वके फुला ? श्व खँया लिसः विल जिमि न्हापाया मनुष्य जन्मे थःके दुगु छुंचीज-खाली थमं वा थः परिवारंजक नया त्वना उपभोग याना । सुंपरया उपरे छुंनके. त्वंकेदान वियेगु मयानागुलि थुगु कर्म भोग यायेमाःगुख । छित लःविये फुगु मखु । लःत्वने मखंगु अपालं दें दयेधुंकल । हे ! पुण्यमहेशः कीटि कर्ण छि याकनं

थनं कुशलपुवंक छें लिहां हुँ ।

थगुखें न्द्योगुलि थःल त्वनेगु प्यास लोमना वन । गुगु प्यास हटेजुया वन । थनं हानं मेथाय् वना थुवले दिन फुना रात जुल । थुवले छगु विमान वल गुकी दिव्य सुंदरीपि प्यम्ह मिसा तसें गुम्ह नारकी पुरुषनं तथा श्वनाप संसर्ग याना श्वंगु घाले छगू माःगु उपचारादि व माःगु नके त्वंके यात । जितनं नके त्वंकेगु बिल नयात्वना । चछि सुख पुवंक दिन हन । जवरात फुसेलि गुगु विमान व प्यम्ह मिसातनं अन्तर्धान जुयावन । अले श्व प्यम्ह मिसाया सत्ताय् प्यम्ह हाकु च्याकिपि ग्यानापुसे चवंपि प्यम्ह खिचा वया न्याना छगू तस्सकं सास्ना विल । श्वनं स्वया जित छगू आश्चर्य ताया जि श्व पुरुष याके न्याना हे पुरुष ? छं छु कारणं थथे प्रत्येक राते सुख व प्रत्येक दिने सास्ना यायेमाःगु छु कारण छु पाप खः हानं गुगु सास्ना-भोगं उद्धार जुयेगु छु उपाय उपकार जि याये फुगु दःसा धा धका धागुया लिसःश्व नारकी पुरुष थथे धाल हे पुण्यमहेशः छं जित म्हहे स्यूगुदु । की जि छगू परिचित व्यक्ति खःअपालं दें दुगुखं मखु । जिन्हापायाजन्मे गुगु बासव नगरया नाय्याकुले

जन्म जुयाम्ह जिखः । न्हिन्हिथं गुगु व्यापारयायेगु
 त्यामे अपालं फैं-दुगु स्याया ला मियेगु व्यापार
 याना जीविका याना च्वनागु बखते छम्ह पंडितया
 सदुपदेश न्यना गुगु सदुपदेशानुसार गुगु व्यापा-
 रया त्यामं वाहेक मेमेवले सुथ न्हापां तीर्थ स्नान
 देव स्नान गमणादि व वान्हि लिस्वनसे रात्रीया
 समय तक न्हिथं शील-नियमे-धर्मे कर्मे मन तथा
 वया । गुकीया प्रभावं थुगु सुख भोग प्राप्तजुल । गुगु
 कुरोजगारया पाखे सास्ना भोग नये माःगु खः ।
 आः जित गुगु सास्ना भोगं उद्धार व उपकार याना
 वियेगु छिगु विचारदुसा जि थ्व विथागु वुखँ कना
 छकू ल्हाना जितजुया च्वंगु खँव्याकं जिमि काय्पि
 जहानपित थ्वखँ कना छगू बोधयाना छगूमात्र
 उपाय दुगु थ्व याकाव्यु । गुगु जिगु व्यापार स्था-
 नया छगू गलमिया के चीगो चागु लुया कलश छगो
 जि स्वयना तथागुदु, थ्व चीजाजगु नामं दान-प्रदान
 व तीर्थपिद दान जिमि काय्पि व जहान पिगु पाखे
 याना व्यूसा गुगु नारकी कस्तं उद्धार व रक्षाज्वीगु
 खनेदु ।

थ्व वुखँ छकूनं नारके पुरुषया पाःखे न्यना
 थःछं लिहां वन बले ल्हाना वियेगु छगू वचन व

कराल याना थनं प्रस्थान जुया वया ।

हानंमेगु स्थासे वना थुबले दिन हे तिनि ।
 छगूविमान वल । गुकीनारकी पुरुषनं तल थ्वनाप
 छम्ह दिव्य-सुंदरी मिसाछम्ह वया न्हिछि अति
 सुखपूर्वक दिनहन । जव रात जुसेलि गुगु विमान
 व मिसा अन्तर्धान जुया वन । अले थ्व मिसाया
 सत्ताय् अति ग्यानापूम्ह व तविकम्ह न्हैविछसह
 वल । थ्वगुम्ह पुरुषया म्हे तुतिनसे क्ष्यों थ्वंक
 न्हय्हि हिना क्ष्योंने न्ह्यपु नया कस्त विद्या च्वन ।
 थ्व स्वया जित छगू आश्चर्य जुल । जि धया हे !
 पुरुष छं छुकारणं थथे प्रत्येक दिने सुख व प्रत्येक
 राते कस्त भोग यायेमाःगुया कारण छुखः हानं थ्व
 सास्नां उद्धार यायेगु छुं उपाय-उपकार दुसा धा
 धका धाःगुया लिसः थथे विल । हे ! पुण्य महेशः
 छ जित म्हस्फू हे ज्वो कीजि छगू परिचित व्यक्ति
 छः । अपाल व दुगु खँ मखू जि न्हापाया जन्मे
 वासव नगरया ब्राम्हण जि खः । न्हिहि थ गु कूलं
 वोगु ब्राम्हण ज्या चलेयाना जीविका यान् च्वना ।
 रात राते परस्त्री गमण जुता कुकर्म यान् वया ।
 गुगु ब्राम्हण कर्म सुख व राते परस्त्रीगमण ज्यां
 कस्त भोग यायेमाःगुख । आःजित थ्वसास्नां उद्धार

रक्षा यायेगु विचार दुसा हे ? पुण्य महेशः जि थ्व
वियागु बुख ज्वना जिमि काय् जाहन परिवार पित
जित जुया च्वंगु व्याक्क खँकना बोध याना-छगूमात्र
उपाय-उपकार ज्या थ्व छगू याका ब्यू । गुगु जिगु
अग्नि शालायाक्के चीगोगु छगो लुंया कलश गारे
यान् तयागु दु । थ्व चीज जिगु नामं दान-प्रदान
व छगू तीर्थ-पिंडदान जिमि काय्-जाहानपिगु
पाखें थ्व ज्या याका याना ब्यूसा गुगु नारकी कस्त
उद्धार व रक्षा ज्वीगु खने दु ।

थ्व बुखें छकूचा नारकी पुरुषया पाखें
न्यना थःछें लिहां वने बले ल्हाना वियेगु छगू
बचन-कराल याना-थनं प्रस्थान जुया वया । थये
गुम्ह कोटीकर्ण अपालं नारकीय तेगु नारकीय
वेदना स्वया थमं म्हस्यूपि निम्हसिगु बुखेंन ज्वना
छगू दैव संयोगं गुगु कम भूमि उत्रेजुया-अपालं
थाय्-थासे विस्तार याना गुगु बय्मागु लॅलिना दे १२
दसैंली बल्ल तल्लं थःगु गुगु बगीचाय्-दैकातःगु
देवालय थ्यकःवल । प्रत्येक उलिखित ताभापत्र
शिलापत्रं थ्व खँ सोल-खंकस-थ्वीकल थ्व थ गु
नामं नव निर्मित बेगो व थःगु वेखवर गुलि तैतःगु
सासं, हानं थःगु सति- क्रिया तैतःगु शालिक

इत्यादि छगू-छगू स्वया छगू थये विचार यात-आ
जि छें वनेमज्यूगु व मत्योगु खने दत । थुकीं छें
वनेगु मन मयात ।

थनं प्रस्थान जुया उगु बखते-गन कात्या-
यण नामक तधंम्ह भिक्षु च्वना च्वंगु खः अनथ्यकः
वन । भिक्षुया धर्मोपदेश न्यना अति प्रशन्न
जुल । भिक्षुया न्ह्योने थःगु जूगु व्याक्क खँ छगू न
विन्तियाना छगू प्रवज्या न पवन ।

थ्व खँ श्रीकात्यायण भिक्षुं छगू खँ थये
आज्ञाजुल । हे ! महाश्रद्धालु कोटिकण ? जिमित
वियातःगु नियम अनुसारं जि थौं छंत छकोलं
प्रवज्या याये मज्यू । न्हापां छुं समय तक उपासक
नि जुयाच्वनेमाः । यदि छं वांलाक प्रबजित जुयेगु
छगू अति इच्छाजुला छं मां-बौयाके छगू स्वीकृति
कायेमागु दु । भिक्षा अन्न पवना हयमाः । आःछं
गुगु ल्हाना हःगु बुखें दुगु खः थ्व नं ल्हाना-कना
वा, मां-बौ याके छगू स्वीकृति नं कयावा अले
भिक्षु यायेगुज्या याये धका छगू खँ अन्हेयाना
छ्वत ।

थःम्ह शास्ताया आज्ञा अनुसार व ल्हाना
हःगु बुखें ल्हाःवनेगु मन याना-गन-गुथाय्-सुयात

छु खँ गुगु खँ धाये मागु खः अन-अन थःवना धाः
वन । माःस्हेसित माःगुखं धाःवन । परिचित निह्य
नारकीय पुरुष पिसँ लहाना हःगु दुखँ अनुसारतुं
वाय काय जहान-परिवारपित व्याक्व खँकना
बोध विद्या-प्रमाण स्वरूपे ग रे याना तयातःगु गुगु
सूवर्णया चीजनं नारकीयतेगु धापू थेंतुं दान प्रदान
व तीर्थपिंड दान याका-याना गुगु नारकीय दुःख
कस्त मुक्त व उद्धार याकल । हानं थःगु छँ वना
मां बौ यात प्रेम पुर्वक थःगु जूगु व्याक्खँ विन्ति
याना छगू स्वीकृति कायेगु निति थये छगू खँनं
विन्ति यात । हे ववा ! छि आयुष्मान कात्यायण
भिक्षु याके जिगु छगू प्रवज्या पवना । तर थव यायेत
न्हापालाक छल्पोल पिंगु छगू स्वीकृतिनि कयावा
धका आज्ञा जुल । अकि थव स्वीकृति छगू पवना
चवना आशा याना अवश्यं जित स्वीकृति विद्या
दी ।

थव खँ कोटि कर्णया मांवौपिसं स्वीकृति
वीमखु । बरु जिमिगु कालांतरे प्रवजित जुयेगुली
स्वीकृति दु धका आज्ञा जुल ।

थवहे आज्ञा व कात्यायण भिक्षुया उपदेश थें
वौ मांपिंगु जीवनकाछि गुगु चिन्तामणि तीर्थ सेवा

व छगू महान उपासक जुया अपालं नियम ब्रत-दान
पुण्य चले याना छुं समय लिपा मां बौ पिंगु स्वर्गा
रोहन जुसेलि दुगु धन सम्पत्ति व्याकं मां-बौयानाम
दान प्रदानयाना थ.छन्हु आयुष्मान कात्यायण
भिक्षुया अग्रे छगू प्रवज्या पवना छगू न्हुगु कोटि
कर्ण नामक बिहार निर्माण याना थःगु जीवनकाछि
भिक्षुजुया संसारया बंधनं रक्षा-उद्धार जुया निर्माण
पद प्राप्त जुल । सुनां थव तीर्थ सेवा याई वैत न
थुजोगु फल प्राप्त ज्वी ।

इति चिन्तामणि तीर्थ महात्म्य कथा

(१०)- प्रमोदतीर्थ (दानिगाः)

महात्म्य कथा ॥

पूतं भगवानाहः- साधु शृणु महासत्त्व
प्रमोदतीर्थ संत्कथां ॥ पुण्य फला-
दिकं सर्वे बक्ष्यामि सांप्रतं किलं ॥
ततश्च यत्र शास्त्रमत्या रत्नावत्या
समागमे ॥ प्रमोदतीर्थ माख्यात
रति प्रीति वश थर्द ॥ तत्र

नागाधिपः पद्मो धवलो दिव्य
सुंदरः ॥ दिव्यरत्न महाक्रान्ति
फणा मण्डल भूषितः ॥ तत्र ये
मानवा यावदेक विशति वासर ॥
स्नान दानादिकमाणि कथुः
सवाणि पूर्ववत् ॥

स्व शुक्ल द्वादस्यां वृषेपि गुरु
वासरे ॥ प्रमोदतीर्थ विख्याते
वारमत्यां यत्र संगमे ॥ ॥

हानं श्रीबुद्धभगवान् ध्याविज्यात हे ! साधु
महासत्त्व हे मंत्रोय ! गुगु प्रसाद तीर्थयात्रिगु कथा
व गुकीया निश्चितगु पुण्य-फल-व्रत आदि व्याक
जि कने त्यना न्यो । गुगु वाग्मति व रत्नावति
सगमजुगु गुगु थाय् खः । श्व रति प्रीति वशार्थ
फलवीगु प्रमोदतीर्थ नामं प्रख्यात जुल । थनया
वासीदा नागाधिप तुईसे अति वांलाम्ह पद्म नामक
नाग खः । गुम्हेसिया फणा मण्डले दिव्य रत्नया

तितां त्युगुलि तेजवानम्ह श्वखः । थन सु गुम्ह
मनुखं नीछको स्नान व दानादि गुगु विधिथे व्याक
कर्म काण्ड याये । थनया पर्वदिन वैशाख शुक्ल
द्वादशी वृश्चिक संक्रान्ता गुरुवार थुलि योग चलाई
बले मेला दिन खः । गुगु वाग्म त नापं मेगु सगम
जुगु गुगु थ से प्रमोद तीर्थ प्रख्यात जुल । न्हापा श्व
तीर्थ सेयाया प्रभाव सुसु रक्षा उद्धार जुल श्व खं
थये दुः-

न्हापा छम्ह प्रसिद्ध प्रतापि-शक्तिशाली दाना
सूर दैत्यं छगू स्वर्गलोकया धन संपत्ति व ऐश्वर्य
प्राप्त यायेगु कामना याना पाताललोकं थाहां वया
मर्त्य लोके बल । कथंथे छम्ह नेपाल मंडलया गुगु
तीर्थया समीपे थ्यंकः बल । गन चवना पचाग्निताप
याना दै किनिदं तक छगू दृढ त रयायात । श्व
तपस्यां स्वर्गया ईन्द्राशन सन । महाराज ईन्द्र
तस्सकं ग्यात । श्व तप भंगया लागी स्वम्ह अस-
रायात अन्हे याना छवत । स्वम्ह अपसरा तप
स्थाने थ्यंका अनेक खतं तप भङ्ग यायेगु प्रयत्न
यात असफल जुल । आखिरे गुगु दुकूया धनसंपत्ति
हरण याःसा गुगु तप भङ्ग ज्वीला धैगु आशां श्व
धन संपत्ती हरण यानास्वत । तर थुकेनं तप भंग

मजू । श्व तपस्या सफल जूगुया प्रभावं दे'दे'पत्ति
नीप्यदे' तक स्वर्गया धनसंपत्ति मध्ये सच्छि व्वे छव्व
थःगुल्हाते लाकल । वल जफति वा खुया कया
हल । थुख्तं लाभ याये गुलो दैत्य राजया कलाः
कांतीया विरोध दु । तर श्वखे' श्व अतिलोभिम्ह
गुम्ह दैत्यराजं खँ मन्यो । दुगुब्ब्याक लाभ धन
संपत्ति छगु अगम्ब व अगाढगु छक्कू दुक्कू कोथाय्
गुप्तं थुला (स्वथना) तल । श्व धन छुं परया
निति व थःगु निति उपभोग नं मयाः । छन्हु हद
थ्यसे'लि स्वर्गया पाः जूगु व हरण जूगु गुगु धन
संपत्ति ईन्द्रमहाराजं चाल । श्वया वारे गुगु सभाय्
छगू खनंजुल । छम्हु गुम्ह म्ह छम्ह मिखा दुम्ह
अर्थात् द्वेच्छिगो मिखा दुम्ह देवराज ईन्द्रं छगू ध्यान
विचारं सीका खंका श्वीका श्व दैत्यया पाखे' धन
हरण यानाहयेगुछगू ग्वसा ग्वया छगू सरलगु
उपाय ल्वीकल । श्व ज्या यायेगु कारणे गुम्ह
कर्कोटक नागराजा यात सःता छगू खँ थथे धाल ।
हे ! कर्कोटक नागराजा छिसं गुम्ह अति लोभि
दाना सूर दैत्यं जिगु गुगु छुं धन संपत्ति हरण याना
गुप्तं गन गुगु कोथाय स्वोथना तःगुखः । थन वना
श्व धन संपत्ति दक्क मध्ये प्यव्वे स्वव्व गुगु नदि

द्वारा प्रवाह याना व्यु । प्यव्वे छव्व छित का ।
छगु गुगु निवास छे' यंकीधका छगू आज्ञा जुल ।

श्व देवराज ईन्द्रया आज्ञायात न्यना पालन
याना श्वहे आज्ञा अनुसार ज्या यायेगु छगू वचन
विया छन्हु श्वज्या यायेगु कामना याना श्व कर्को-
टक नागराजा थःपरिवार व गणपिन्त सःता श्व
खंल्हाना गुगु गुप्त कोथाय् प्रवेश जुया गुगु स्वोथना
तःगु धन संपत्तिया द्वे दुब्बाना लःदु पवाना गुगु
नदि द्वारा प्रवाह यानाव च्वन । थुखेया खँ थुलि ।

दान दानव रत्नानि हत्वाक्षिप्तानि
का द्रवैः ॥

तानि प्रावाहय द्यस्माद्रत्न वतीति
संज्ञिता ॥

तदारभ्य तस्या नद्या रत्ना वतिति
सज्ञा वभूव ॥

येतत् संगमे वाणी वत्यास्तीर्थो व
भूत् ॥

प्रमोद नामा प्रमोदव तृत्वाच्च प्रमोदक तृत्वाच्च ॥

गुक्ति दानसूर दैत्ययागु रत्न हरण याना
नागगणपिसं चोके हःया निति रत्नावती धयाग
नाम जुया चवन । उलसंनसे गुगु नदिया नाम
रत्नावती जूगुखः । गुगु नदि व वाग्मती संगम जूगु
गुथाय् थव प्रमोदतीर्थ जुल । प्रमोद धाःगु छुधाःसा
गुगु हर्ष व विहर्ष निगुया नाम प्रमोद जुल ।

हानं मेगु छगु थव तीर्थप्रति प्रशंसा व निदा
याःगु पाखे फल भोग याःगु कथा कने न्यो ।

नृपाया छगु समये कपिलप नगरयाम्ह
लौकिक नामक नास्तिक-चतूरताकिक पंडित छम्ह
दु । थव निहथं अपाल सःभ्युपि पंडित गणपित छगु
तर्क विद्यां बुका थःजक देख्य लाका चवन । थव
राजायानं प्रिय पात्र जुयाचवन । थव खबर न्यना
सीका उगु बखते मेगु देशं छम्ह छगु विद्या सागर
उपाधि विभूषितम्ह आस्तिक तार्थिक पंडित छम्ह
थ्वैथाय् नापलाः वया छगु संवन्ध संपर्क जुल ।

छम्ह निम्हसियां छगु तस्सकंवाद विवाद
जुगुली । नागु निसाफया विचार मयासे थःमनूया

पक्षकया अपाल मनुतसे तीर्थिक यात अपमान
यात ।

छम्ह तीर्थिक पंडित राजाया थाय् वना
छगुखे थये विन्ति यात-हे महाराज ! जि तीर्थ
यात्रीखः अकि जि नेपाल मंडलया तीर्थे चाहू वने
मन यानाचवना । यदि जिलिसे तार्किकया छुंवाद
विवाद यायेगु ईच्छायाःसा जिथाय् वा अन हे तीर्थ
साक्षि तया खलहाये । प्रतक्ष व साक्षि मदु थाय्
थव नास्तिक-तार्किक-पंडित नाप वाद विवाद
यायायेगु व्यर्थखः छाय् धाःसाः-

सदुच्च फल माप्नोति काकः

पक्षविवर्धनः ॥

हरिः पक्ष निहीतोसौ तरु मूले
वसी दति ॥

पू दुहा कोनं सिमाया चवकासं चवंगु फल खानाने,
पू मदुहा माकः सिमाया मूले दुःखताया चवनी ।

थवयाःखे राजान्यना ज्यू छंधाथेतुं जि
धयाविधका आज्ञाजुल । ख पा राजाया थाय् वोह्य
गुह्य तार्किक पंडित यत थव खन्याकल । थवखे

न्यनाकथं गन तीर्थिक चवना चवंगु खः अन थ्यंकः
 वन । छन्हु प्रमोद तीर्थे चवना छगू वाद विवाद
 यात । अनेक वाद विवाद यानापंतु तार्किकं थव
 तीर्थे प्रति छगू निदा व तीर्थिक प्रशंसा न यात
 गुलि दिनतक थव वाद विवाद जुयावं चवन । थवहे
 तोरं अकस्मात निह्यं छगू हृदि रोग जुया अकाल
 मृत्यु जुयावन । प्यन्हु न्हापा तार्किक व प्यन्हु लोपा
 तीर्थिक थवहे तीर्थेतुं स्वर्गीय जुल । तीर्थे मृत्युया
 प्रभावं गुह्य तार्किक जन्म जूथाय तोल्वे व पक्षबात
 दुह्य कपिल देशया राजा जुया जन्म जुल । गुम्ह
 तीर्थिकनं अनतुं शास्त्र बिद्यागुण संपन्नह्य-योग्यपुरुष
 जुया राजाया छह्य नियुक्ति मंत्री-रःजशासन
 चलेयाईम्हजुया जन्मजुल । छन्हु राजायात रोगं गो
 त्वीकुवले नं मंत्री माःगुउपचार याना रोग शांत
 यानाबिल । अन्त्ये छन्हु गुम्हराजा मृत्युजुया वन ।
 स्वर्ग भूवनया शताभि राम देब पूत्र जुया जन्म
 काःवन । राजा मदुयानं दर्शि दंतक गुम्ह मंत्री
 राज्या सुशासन चलेयाना छन्हु छम्ह योग्य युवराज
 यात राज्याभिषेकादि ज्या पूर्ण याना थः तपोवन
 वन । गुम्ह मंत्री थःगु जीवनकाछि तीर्थ प्रति
 प्रशंसा याना स्वर्गीय जुसैलि । स्वर्ग भूवने छम्ह

तीर्थ भिराम देब पूत्र जुया देवतापिनिनं मान्य
 वानम्ह गुरु जुया जन्म जुल । सुना थवतीथ सेवा
 याई वेतनं थथे हे तुं फल प्राप्त ज्वी ।

ईति प्रमोदतीर्थ महात्म्य कथा ।

११- सुलक्षणतीर्थ [भाजंगाः]

महात्म्य कथा

पुन भगवानाहः- श्रुणुसाधु महासत्त्व
 सुलक्षण तीर्थ स्यकथा ॥ पुण्य
 फलादिकं सर्व बक्ष्याति सर्व
 बोधने ॥ ततश्च यज्ञ बाग्मत्या चारु
 मत्यासमागमे ॥ तत्सुलक्षण माख्यातं
 श्रीतेजो भाग्य संपदं तत्र नागो
 महापद्मोति धवलो दिव्य सूंदरः ॥
 दिव्यरत्न प्रभा श्रीमत्फणा मण्डल
 मण्डितः ॥ ज्येष्ठ शुल्केषि द्वादश्यां
 मिथुने बुधवा सरे ॥ तीर्थ
 सुलक्षणे चापि स्नानं चापि प्रकल्प

येत् ॥ तत्र येमानवा याबदेक
विंशति वासरं ॥ स्नान दान-जप
ध्यानं कुरु यज्ञं पूर्ववत् ॥

हानं श्रीबुद्ध भगवान धया बिज्यात हे साधु ?
महासत्त्व हे मैत्रीय ? गुगु सुलक्षण तीर्थया कथा
जि कने बांलाक न्यों । गुकीया पुण्य फल ईत्यादि
व्यावकं कने सकलें बोधया निरति । गुगु बाग्मति व
चारुमति संगम जूगु गुगु थाय खः थव श्री तेज व
भाग्य प्रदायक सुलक्षण तीर्थ नामं प्रख्यात जुल ।
थन या वासीना नागाधिप अतितुईसे च्वंम्ह महापद्म
नामक नाग खः । दिव्य रत्नया तिसां शोभायुक्त
प्रभा व फणा मण्डल जुया च्वंम्ह थव खः । थनया
पवदिन ज्येष्ठ शुक्ल द्वादशी मिथुन संक्रान्ति बुध-
वार शुक्ल योग चूलाई बले मेला दिन खः । थव
दिने सुलक्षण तीर्थे स्नान यायेगु कल्पना याये । सुं
गुम्ह मनुखं नीछको स्नान-दान-जप-ध्यान-यज्ञ
च्चेथेंतुं याये । थव तीर्थ सेवाया प्रभावं न्हापा सुसु
रक्षा उद्धार जुल थव खँ थथे दु ।

म्हापाअति बिशाल व उज्ज्वलगु छगू गोडाख
देशया सुलक्षण राजाया राज्यकाले छगू कुस नगरे

राजाया छम्ह अमात्य-मंत्रीया छम्ह, सार्थवाहया
छम्ह- अलक्षण व अति बिरूपति-छन्हुया दिने-छगू
हे लग्ने स्वम्हसिया स्वम्ह काय् मचात जन्म जुल ।

संयोगवश थुपि जन्म जुसें नसें थु मगु प्रभ
व थव देशे अमंगल व अलक्षण थिया न्हापा मजू-
खतं अनेक उपद्रव व दुर्घटना ग्रस्तजुल । गुपि मचा
तेगुपाखे थथेजुगुखः धका अपासिनं भापल । थवहे
मनोभावनां गुलि २ मनूते थव देशतोता मेगु देशे
च्वंवन । थवहे शंका गुपि मचाते मां-बौ पिनि
न्हिथ लज्जा-घंडा ताप कया गुलि वर्षतक मचातेत
मागु हेर चार व प्रतिपाल यानावं च्वन ।

छन्हु सार्थवाहं थःकाय् वचाधिकगु स्वया
मेपि माःछि वंजावलाय तया गुगु रत्नाकर व्यापारे
थव मचायातनं व्छया बिल । छे पिहां वना ममण
जुया ववं लंयाविचे थयवले छन्हु गुपि वजातसें छगू
कुबिचार व कुभावना खतं थथे विचारयात गवले-
तक अलक्षणम्ह साहुमचा कीनाप दै अवले तक
शीत मंगल ज्वीमखु अकि कीसं थवैत तोते माल
धंगु विचार याना छगू गवसागवया वासे रातया
त्यामे न्ह्योवेका च्वंम्ह मचा याकचा यात तोता
थपि व्याक लल्लिना गमण जुयावन ।

जव साहु मचाया न्होलं चाय्का सोबले
 वंजा पासापि सुंमदु । तचोगु धंडाताप कया खों
 खों वंजात माल गनं ल्वीके नाप लाय् मफत ।
 वनेगु लें मसोका अपालं दुःख कस्तपूर्वक लेंदुगु
 प्राप्त जूगु फलमूल खाना व पवना ननं लं मांमां
 धवं च्वंम्ह संयोगवश नेपाल मंडलया गुगु तीर्थया
 समीपे त्वाकथ्यक वल । छुं दिन तक तीर्थवासी
 जुया जीवन निर्वाहा यात । छन्हु छम्ह सदुपदेश
 कया आज्ञाअनुसार छगू शिक्षा कया नित्य छगू
 वासः व विधिपूर्वक स्नानादियाना दँकिनिदंतक
 दृढ तपस्या यात । थव तपस्या सफलया प्रभावं गुगु
 दया च्वंगु अलक्षणव विरूप क्रमथे नाश जुया छगू
 सुलक्षण युक्त दिव्य शरीर जुयावस । गुजोगु दिव्य
 शरीर धाःसाः—

स्निग्ध कुंचित केशोसौ स्वर्णपत्र
 ललाटकः ।

धनु भुपपद्म पत्राक्ष स्तिल नाशः
 पाश कणकः ॥

आदर्शगण्डः सिंहहनु विम्बोष्ठो

हिंगुलि जिह्वकः ।

कुन्द दन्तः पिकरवः सुश्वासाः
 कंवुक श्वरः ॥

कपातो रोजानु वाहुर्भेक कुक्षिर्हृदः
 नाभिकः ।

समजानुर्हस्ति हस्तोरुः पचांगुल
 लिङ्ग धृकः ॥

मृग जंघो वद्धगुल्फो हमांगुलिः
 कला नखः ।

कूर्मपादः स्वस्ति पादःशाल प्राश्रुर्ग
 जगामिकः ॥

दक्षिणा वर्त्त रोमांकः स्वर्ण वणः
 सुका मलः ।

द्वात्रिंश लक्षधर सुलक्षणा भिधो—
 बभौः ॥

स्वीनिताप्रकारया सुलक्षण युक्त दिव्य शरीर
 थथे खः (१) मसिनगु कुलि चिगु सं (२) लुं
 पातार्थे चकंगु कपाः (३) धनुक वांगु मिखा फुसि
 (४) पत्ते स्वांयाहःथे वांला २ चिगु मिखा
 (५) हातोवुं स्वार्थे छाईवे च्वंगु न्हाय् (६)
 पासर्थे जाःगु न्हायपं (७) न्हैकं थें विकूसे च्वंगु
 न्यताः (८) सिजय थें जाःगु न्हकु (९) धालपति
 स्वांथे ह्याउंगु म्हुदुसि (१०) ह्याउंसे च्वंगु म्हे
 (११) दाफ स्वांथे तुईसे च्वंगु वा (१२) कोकिल
 रंगःयार्थे जागु स्वर (१३) सुंवास सासः (१४)
 स्वत लूगुगःपः (१५) तफाःगु छाति (१६)
 पुलिथ्यंगु लाहाः (१७) व्यांयार्थे जा.गुज (१८)
 दहंथे गावंगु त्यफू (१९) सम्मगु पुलि (२०)
 किसिया लाहाथे जागु खपा (२१) न्यालेंगुहाःगु
 लिग (२२) चलायार्थे जाःगु त्वाना (२३) सेले
 जुगु गौचा (२४) हेंयार्थे जाल दुगु पतिचा (२५)
 ह्याउंसे दोंजागु लुसि (२६) कापत्येयार्थे छपांगु
 पाली (२७) स्वस्ति चिन्ह दुगु पालीतः (२८)
 धुसिथार्थे प्यंवोगु उच्च म्हे (२९) किसिवनीगुथे
 जाःगु हिडाई (३०) जवं तुगु स-चितिस (३१)
 लुंयावर्ण (३२) कोमल शरीर ।

श्व तीर्थं सेवा व तपस्यायाके थःत छगू न्हंगु
 सुलक्षण व दिव्य शरीर प्राप्त जूगुलि श्व पुरुषया
 मने तस्सकं हर्षजुल । धुगु बखते हानं छगू आकाश
 वाणीजुल । हे सुलक्षण पुरुष छगु ज्या व कामना
 पूर्ण जुल । आः छ थ गु छें याकनं लिहां हुं छगु
 ज्याया अनुकरण जाना सुंगुम्ह से थथेहेतुं यायेगु
 ईच्छा याःसा इमितनं अथेहेतुं उद्धार यायेगुली
 उपदेशव्यु धका छगू आज्ञा जुल । श्वहे आज्ञा यात
 पालन याना छन्हु क्रमथे थ.गुछे थंयंक दन । थ गु
 जुगु व्याक खँ मां बौ यात विन्ति याना पत्यार
 मजुपि मां बौ पित पत्यार व बोध यात । श्वखँ
 राजाया थाय् वना र जायागु छगु विचार व धन्य-
 वादनं काल । हानं राजां छगू वचन विल । हे
 सुलक्षण पुरुष ? गुम्ह जिमि काय् व मंत्रीया काय्
 नं छथे विरूप व अलक्षण जुया च्वंपित गुगु तीर्थे
 यंका यायेमागू शिक्षा उपदेश वगू । जिछंत लःल्हा-
 ये । छं यकी । श्व आज्ञा थें गुपि निम्हपासा अल
 क्षण पुरुष पित व्वना हया माःगु शिक्षा उपदेश
 त्रिया गुगु तीर्थे तपस्या द याकेत यन । थनं सहाय
 विल । श्व सुलक्षण पुरुषया शिक्षा उपदेश नुसार
 तुं गुपि निम्ह विरूप व अलक्षण पुरुष पिसं गुथाय

तक थ.गु उया सफल मजुल उथाय तक बूढ तपरया
यात । छुं काल जिपा थगुः उया सफल याता गुगु
विरुप व अलक्षण नाश याता छुं छे' लिहां यया
हृषपुर्वक दिनहन ।

यथे स्वप्न अलक्षण पुरुष पित रक्षा उद्धार
याता ड्युगुलि उवले निसे' थव तीर्थया नाम सुलक्षण
नाम प्रसिद्ध जुल । दिव्य शरीर ड्युगुलि जाहमती
नाम प्रसिद्ध व प्रहयात जुल शुर्ना थव तीर्थ सेवा
याई थवतन थथेतुं फल प्राप्त उदी ॥

इति सुलक्षण तीर्थ महात्म्यकथा ॥

(१२) — जयतीर्थ (न्यखुद)

महात्म्यकथा

पुनभगवानाहः— श्रुणुसाधु प्रव-
क्ष्यामि जय तीर्थम्यपि स्तरात् ॥
पुण्य फलादिक सर्वे वक्ष्यामि सर्वं
बोधने ॥ ततश्च यत्र वाग्मत्या
प्रभावत्या समागमे ॥ जय तीर्थं
स माख्यातं सर्वशत्रु भयान्तकत् ॥

तत्र नागाधिप शुबलः श्री कान्ति
दिठय सुंदर ॥ दिठयरत्न प्रभा
श्रीमत्फणा मण्डल मण्डितः ॥
तत्र पे मान्द्रा याव देक विशति
वासरं ॥ स्नान यज्ञादि कर्माणि
कयुं सर्वाणि पुर्ववत् ॥ आपाठ
शल्क त्रयोदश्यां ककंटे सोमचा-
सरे ॥ जय तीर्थे विशंपेण स्नानं
कुर्याच्च तदिने ॥

हान श्रीबुद्ध भगवान धया विजयत हे साधु
हे मेत्रीय ? गुगु जयतीर्थया कथा विस्तार पुर्वक
जि कने श्यो । गुकीया पुण्य फलादि ड्यावक कने
त्यता सकले बोध यापेगु निति गुगु वाग्मति व
प्रभावति संगम जूगु गुगु थाय छः थव ड्याक शत्रुया
जय हरण याईगु जयतीर्थ नाम प्रहयात जुल ।
थनया वासीया नागाधिप तुईसे दिठय सुंदरह श्री
कान्त नामक नाग छः । दिठयरत्नया तिसा फनाय

त्यूगुलि शोभायुक्त प्रभा मण्डल जुया चवंम्ह थवखः ।
थनया पर्वदिन आषाढ शुल्कया त्रयोदशी कर्कट
संक्रान्ति सोमवार थुलि यनि चूलाई वले मेला दिन
खः । थव दिने प्रख्यातगु जयतीर्थे स्नान यज्ञादि
कर्म काण्ड याये । थन सुंगुम्ह मनूखं नीछको स्ना-
नादि च्वेया विधिथे कर्म काण्डयाये । थव तीर्थ
सेवाया प्रभाव न्हापा सुसु रक्षा उद्धार जुल थव खं
थथे दु ।

न्हापा प्रसिद्ध शक्तिशाली दानासूर दैत्यराज
यागु गुगु प्रमोद तीथया च्वेयागु कथायां लिपा
छन्हु थःगु ढुकुतो स्वथना तःगु धन नाशजुगुया
दिवक व फोक थःकलानाप संगत मरुगू या वारे
निम्ह त्यपूया वरावर कचमच न छन्हु त्वापु जुल ।

दैत्यराजया कला शांती दैत्यनीनं थःभात नाप
विरोध जूगुलि भातया न्ह्योने च्वना च्वनेगु छगू
तचोतं कताक्ष ज्वीगु आसंकां छगू विरहपूवक गुगु
छथाय् च्वनेगु विचार याना छन्हु थःगु छे तोता
पिहांवन ।

अनेक थाय् थासे देवस्थान चाहिला गुगु
फुल्लोव पर्वते विराज श्री वसुंधरादेवीया दर्शन
याना गुगु कछपाल पदत याके लीपा भाबी तीर्थ

ज्वीथाय थयंक बल । थन च्वना हे ? प्रभू जित
याकनं संतान व भात नाप सदां छगू मेलमिलाप व
सुखपूर्वक दिन हने फय्मा धका छगू आशिका
कामना याना तचोतं देवीया पुकार-आराधना
याना छगू दढ तपस्या यात ।

तद्दां कश्चिद्दिन गते फुल्लोगिरि
सुसंस्थितः ॥

वसुंधरा प्रशनेन स्वहस्ते स्था-
पित घटात् ॥

देवीवल प्रशादेन प्रचाहित प्रभा-
वती ॥

ततो स्तर प्रवाहित्वा यत स्थाने
स्थितः सुरा ।

तत्र प्रभावता गंगा संगमश्च भव
ततः ॥

पूत्री फलः सुरा प्राप्तं वसुंधरा

प्रशादतः ॥

पुत्री लक्ष्मी सम प्राप्ता सुरा हर्षेण
संस्थित ॥

प्रभावती संगमायात वारुती तत्र
संनिधौ ।

तस्मिन् काले जयतीर्थ नाम्ना
प्रख्याततिता ॥

गुम्ह कांतीदैत्यनीनं गुगु तपस्याया गु अपालं
समय वने धुंकुसेलि छन्हु गुगु फुल्लोचो पबंते
विराज जुया विज्याम्ह श्री वसूधरादेवी प्रशन्न
जुया रूप दर्शण व थःगु ल्हाते च्वंगु कलशया लँखं
लुना जल हायेका प्रभावती गंगाया नाम छगू नदि
उत्तर प्रवाहजुया गुगु थासे असुर कांती दैत्यनीनं
तप याता च्वंथासे नदी प्रवाह जुया वल । हानं
श्री देवीया प्रशादं प्रशन्न थथे छगू आज्ञानं जुल ।
हे ? भक्ति कांती दैत्यनी ? आवलि छ सौभाग्यवत
व भाग्यनातीनं ज्वी पुत्री छम्हनं देगु जुल ।

थव आज्ञा न्यना कांती दैत्यनी अति हर्षमान

जुल । गुगु आज्ञार्थे यदि आः जित लक्ष्मी समानम्ह
पुत्रीछम्ह देगु जुल धका मनं निश्चय याता थवतीर्थे
तुं छुं दिनतश्क तपयान्वं च्वन । थुबले नसे प्रभा
वती संगमगु गुगु वारुतीया सनिक हगु गुगु छगू
थ य यात जयतीर्थया नाम प्रख्यात व प्रसिद्ध जुल ।
छन्हु गुम्ह दानासूर दैत्यराजं थ कलाः यात छगू
वर व संतान प्राप्त ज्वीगुया खूश खबर न्यना
सोका अभियान त्याग याता गन थःकला च्वना
च्वंगुखः अन थयंक वन । निम्ह सियाँ परस्पर छगु
दुगु भूल यात सहन यापी छगु तचोगु प्रेम प्रीत
जुल । निम्ह मेल जुया छन्हु थःगु छे लिहांवन ।

छुं समय लिपा छन्हु छम्ह पुत्री नं जन्म
जुल । थ्वेत उक्त नबिया नाम अनुकरण याता
प्रभावतिसया नामाकरण याता तल । थःगु जीवन
भर सुखं जीवनहना छन्हु स्वर्गारोहन जुया वन ।

हाग मेम्ह बल दैत्य छम्हसे नं थव तीर्थ सेवा
व तपस्या यागुया प्रभावं व्याक.दुपि थव शत्रु तेत
मथंन याता अजेय अदूताय चौर जुया स्वंगु
लोक्यां अधिपतिजुया वन । सुनां थव तीर्थ सेवा
याई वैत नं थुजोगुहेतुं फल प्राप्त ज्वी ।

॥ इति जयतीर्थ व नेपाल द्वादशतीर्थ महात्म्य कथा ॥

नेप.ल द्वादशतीर्थ स्नानया विधि सामान

१-पुण्यतीर्थ-वाग्मति-अमोघफल दायनी संगम तक्षक नाग, ह्याउँ वरुण, फना ५, पिडपात्र-जलघट दान, प्रजा-पारमिता पाठ, ब्रम्हायणी पीठ, द्वाफोस्वानं स्नान, माणिक दक्षिणा, अदः (अधासे) पालन, श्रीखण्ड-धूप, कस्ति भोग ।

२-शान्ततीर्थ-वाग्मति-मारदायनी संगम सोम शिख नाग, तुय-ग, फना ३, पंचविहि दान, गन्धव्यूह-पाठ, गुह्येश्वरी पीठ, धालेपतिस्वानं स्नान, हिरा-शख-दक्षिणा, गोवर-पालन श्रीखण्ड धूप, साख भोग ।

३-शकरतीर्थ-वाग्मति-मणिरुहिनी-संगम, शखपाल नाग, ह्यासुवर्ण, फना ९, चन्द्रमा-दान, दशभुमीश्वर-पाठ, चामुण्डा सिकवहि-पीठ, लवजिफोस्वानं स्नान, लावत-दक्षिणा, गोपुत्र वा धाले पालन, कुंकुम वा कपू धूप, प्रियगु भोग ।

४-राजतीर्थ-वाग्मति-राज मंजरी संगम, सुरूप नाग, तुयवर्ण, फना ३, + बँवद्य* कुशालाकां-दान, सभाधिराज पाठ, + वाराहि धंतिल* पचलिभैरव पीठ, ईताथिताचां स्नान, गौर दक्षिणा, तुलसि वा सादुरु-पालन, सिल्हाय-धूप, पुवाजाकि वा ध्यो भोग ।

५-मनोरथतीर्थ-केशावति-विमलावति संगम, कुलिक नाग, छिरिविरी वर्ण, फना १३, + वस्त्र* पिण्ड पात्र, दान-लङ्कावतार पाठ, मनमंजु पीठ, नस्वा स्नान, ककटन दक्षिणा, कस्ति पालन, गुगुल धूप, कस्ति वा ध्योः भोग ।

६-निर्मलतीर्थ-केशावति-कुसुमावति संगम, पलाल नाम, ह्यासुवर्ण, फना ३, + सफू ? वह चक-दान, सद्धम

(१२१)

पुण्डरीका पाठ, इन्द्रायणी स्तुती पीठ, कलिहस्वान स्नान, पुष्पराज दक्षिणा, साध्यो पालन, सुगन्धवाल धूप, ताय वा ध्यो-भोग ।

७-निधानतीर्थ, केशावति-सुवर्णावति संगम, नन्द उन्द नाग, ह्याउँ-वर्ण, फना ३, + अष्ट धातु* धान्य-सुवर्ण दान, तथागतगुह्यका पाठ, चामुण्डा कगपीठ, सिन्हा-य स्वां स्नान, मरकट माण-दक्षिणा, सादुरु पालन, कुंकुम वा श्रीखण्ड धूप, साख वा ताय भोग ।

८-ज्ञानतीर्थ - केशावति - पापनाशिनी संगम, वासुकि नाग, तुयवर्ण, फना ९, + पञ्चरत्न* वसुजा-दान, ललित विस्वर पाठ, वाराह तकेश्वरी पीठ, (तुयुगुत्) सितुनं स्नान, भिन्पु दक्षिणा, फल फुल पालन, रूप केशर वा श्रीखण्ड धूप धी भोग ।

९-चिन्तामणितीर्थ-वाग्मति - केशावति संगम, वरुण नाग, तुयवर्ण, फना ९, नवरत्न दान + पचलि* नं अजिमां-पीठ, सूवर्ण प्रभापाठ, पचसुगन्ध स्नान, हिरा-दक्षिणा, ध्यो पालन, सुगन्ध बाल धूप, ध्यो वा कस्ति भोग ।

१०-प्रमोदतीर्थ - वाग्मति - रत्नावति संगम, पद्म नाग, तुयु वर्ण ३, + पञ्चपक्काय मन्दिह* शय्यादान-दान, पारक्षा पाठ, इन्द्रायणी होगल पीठ, + चवस्वां (पचसुगन्ध) *पलेस्वां नं स्नान, हेरा-दक्षिणा, अम्ब (हामो) पालन, बाल (नखि) धूप, साखः भोग ।

११-सुलक्षणतीर्थ-वाग्मति-चारुमति संगम, महा-पद्मे नाग, तुयुवर्ण, फना १३, + शन्न दान* आत्मबिम्ब दान, विष्णुबी भाजंगा पीठ, कारणव्यूह पाठ, + पञ्च

ग्रन्थ * धवस्वां (कपूसिन्हायस्वां) न स्नान. वस्त्र दक्षिणा,
फलफुल पालन, श्रीखण्ड वा कूशहा धूप, दुरु भोग ।

१२-जयतीर्थ- वाग्मति - प्रभावति संगम, श्रीकांति
नाग, तुयुवरां, फना ७, + शय्या (जसघर) दान* ईच्छा
वस्त्र-दान, ब्रह्मावणी नेखुह पीठ, + श्रीखण्ड (जीस्वां)*
सबीसधि न स्नान, कल्लणापुण्डरीका पाठ, कर्कटन वा स्फ-
रिक-दक्षिणा, घाले पालन, श्रीखण्ड वा कस्तूरी धूप, तुयु
हामो भोग ।

विशेष सूचना:- + ध्व चिन्हांकित यलपाखेयागु खः ।
* ध्व चिन्हांकित ये पाखेयागु खः । उल्लिखित क्रमे गूगु मत
भेददुगुलीजक चिन्हांकित याना वियागु दु । पालं धयागुली
गूगु चीज न्हापां छकूचा नयेगु चलन दु । ये न्हाबले न्हापा
लाक अर्धसिजक नया पालंयाई, मेमेगु छु नया पालंयायेगु
चलन मदु । अकि उक्त क्रमेन पालनसे धूप भोगादि व्याकक
ध्व यल भागु खः ।



अनुवादकया प्रकाशित सफूः-

१) नेपाल भाषाया मूलपु	१२५
२) मूलपुया तँसा	१४०
३) छुं पर्याय बाची कोष	१६०
४) स्वपु जातक	१७५
५) ऐतिहासिकया छु वर्णन	१२५
६) शब्द रचना अलङ्कार	१८०
७) संक्षिप्त अवदान व बुद्ध जीवनी कथा	११२५
८) नेपाल द्वादश तीर्थ महात्म्य कथा	११२५

अनुवादकया प्रकाशन सफू

- १) संस्कृत बौद्ध साहित्यया धलः
- २) सरल नेपाल ऐतिहासिक कथा

